

JEHOVA-JAYIRA

¶ Ngiyabonga. [UMnaketfu Slater uyakhulum—Umhl.] Ngiyabonga. Ngiyabonga, Mnaketfu. Ngiyabonga, Mnaketfu Slater. INkhosi ikubusise.

² Ningahlala phansi. Bewungakwala kanjani kwemukelwa lokunjalo? Ngikubonga ngemusa impela ngaloko kwemukelwa lokuhle, Mnaketfu Slater. Futsi ngyati ukhuluma etinhlitiyweni talabanye bazalwane, ngesikhatsi usho loko, lenhlangano, nawo wonkhe lokhatsalele, nasetetsamelini. Ngiyabonga, kakhulu.

³ Niyati, uhlala njalo utiva wemukeleke kakhulu uma umunfu akutjela lokutsite. Lomunye watsi ngalesinye sikhatsi, ngangishumayele futsi ngangiphuma, lomunye watsi, “Mnaketfu Branham, loko bekukuhle sibili.”

⁴ Bekukhona lomunye umfundisi ahamba ngakimi, watsi, “Ngiyajabula bantfu abachoshi ngami.” Watsi, “Angifuni bachoshe ngami.”

Ngatsi, “Yebo-ke,” ngatsi, “Ngiyakutsandza.” Ngatsi, “Ngi...” Ngatsi, “Ngi—ngiyakutsandza loko.”

Wase utsi, “Yebo-ke, impela angifuni batsi...”

⁵ Ngatsi, “Munye nje umehluko emkhatsini wakho nami: ngikhuluma liciniso, futsi awulikhulumi, nguloko kuphela.” Impela.

⁶ Babe bekavamise kungenta ngisebente ngalokuphindvwe kabi kamatima njengoba ngangenta ngoba wangitjela kutsi ngangenta umsebenti lomuhle. Ngako, sonkhe siyakutsandza loko, siyatsandza kutjelwa. Futsi—futsi-ke ngyakutfokotela lokuhle, kugcekwa kwebungani uma lomunye atsi, “Manje, wente liphutsa lapho, wente lokutsite.” Khona-ke ngyati, ngitotama kukucondzisa loko. Niyabona na? Ngihlala njalo ngikudvumisa kugcekwa, anikutsandzi nine? uma kuliciniso. Ubone uma u—uma wenta intfo leliphutsa, awufisi kukwenta ngaleyondlela. Ngi... .

⁷ Lomunye watsi, “Yebo-ke, bengi—ngitokutjela, kodvwa ngi—ngi...” Yebo-ke, impela, uma ungumnaketfu, ufanele ungitjele, ngifuna kukwati.

⁸ Ukhona lofuna kuya nami e-Indiana? Ngisandza kushayela umkami emizuzwini lembalwa leyendlulile, futsi kunema-intji lalishumi elichwa, kunelichwa yonkhe indzawo, yonkhe imigwaco ivaliwe, emabhuloho ivaliwe, kodywa nemukelekile impela kuhamba nami. Litoncibilika etinsukwini letimbalwa, sikhatsi sesendlule kakhulu esikhatsini semnyaka kutsi lihlale sikhatsi lesidze.

⁹ Ngako siyahamba ngco emvakwenkonzo kulentsambama. Ngitame kufika ekhaya ngesikhatsi nje kutsi ngihambe ngendlule emnyango munye futsi ngiphume kulomunye cishe, ngibe netinsuku letimbalwa tekuhlala. Bese-ke siwelela eVirginia, cishe emamayela langemakhulu layimfica kusuka ekhaya futsi, futsi entasi lapho elugwini lwelwandle nemkhumbi wemasotja lomkhulu waselwandle, noma, umkhumbi wemasotja aselwandle, nakanjalonjalo. Sehlela lapho kuletsa liVangeli kubo, sitfole lelocembu lebashumayeli, bese sifaka inethi yetfu kanye nabo, sibone kutsi singayibamba yini imiphefumulo ndzawanatsite.

¹⁰ Bese-ke kusuka lapho siyabuya-ke senyukele e-Ohio, bese-ke kusuka lapho siye ngale eBloomington, e-Illinois, bese-ke kuba yiChicago eSikolweni leSiphakeme iLane Tech lapho sivamise kuLangana khona lapho. Lihhola lelikhulu lelihle, lihlalisa cishe tinkhulungwane letine noma letisihlanu futsi singa... Loko kutoba nelusito lwetimali lweMadvodza labosomaBhizinisi labangemaKhristu lwemkhandlo wetikhulu telisontfo eChicago, lelo kutoba liviki lekugcina ngaMabasa. Bese-ke ngeNkhwekhweti, ngiseBritish Columbia, nasenhlia eDawson Creek, neGrande Prairie, eFort Saint John, kuchubeke njalonjalo, niyati kutsi kuhamba kanjani.

¹¹ Ngako, ngifuna kunibuta intfo yinye, ngifuna ningisite. Nitokwenta? Nje, uma nikhuleka, ningikhumbule. Nitokwenta na? Uma ngingesheya kwetilwandle, netinyanga batsakatsi time lapho, nemandla emadimoni ndzawo tonkhe, Ngiyakhumbula nginalabanye bangani sibili ekhatsi lapha labangikhulekelako, loko kutongenta ngibe nesibindzi sekuphuma, ngati kutsi ningiphakamisele etulu ngemkhuleko. Ngiyakutfokotela loko.

¹² Ngifuna kuvakalisa kubonga kwami kulenhlangano, bonkhe labafundisi labasita ngetimali. Ngaba nekudla kwasekuseni nalabanye ngalolokunye kusa, nganitjela, futsi ngikhulwa kutsi banete labanye futsi kusukela lapho, ngako ngi—ngilutfokotela sibili lubambiswano lwenu loluhle. Emahlelo lehlukene angena nje, abhidlita, sibobhuti nje, futsi nguleyondlela lokufanele kube ngayo. Ngiyetsema kutsi loko akuyuze, akuyuze kusuke kuleyondzawo, kuhlala njalo kunjalo, sibobhuti.

¹³ Futsi ngekwentanjalo, ngicabanga kutsi nginikwe nguNkulunkulu i, lenye yetimvuselelo letincane letinhle kunato tonkhe lengike ngaba kuto eminyakeni, khona lapha. Angikaze ngibabone bantfu balambela Nkulunkulu kakhulu, kunaloko lenginako khona lapha, Angikaze ngikubone nomakuphi e-United States, kunaloko lokungiko khona kulesigodzi lesi.

¹⁴ Ngiya etindzaweni tebhizinisi, intfombatane lencane leliKhatolika yayigceba umbhedze ehhotela lalabahamba ngetimoto lapho bengihlala khona, futsi watsi bekahlala edvute nalamanyi emaPhentekhostali, watsi, “UyiPhentekhostali?”

Ngatsi, “Yebo.”

Watsi, “NgiliKhatolika.”

Ngatsi, “Ngingilo, nami.”

Wase utsi, “Ungaba kanjani liKhatolika nePhentekhostali ngesikhatsi lesifanako?”

¹⁵ Ngatsi, “Yebo-ke, buka, alikwenti yini liBhayibheli laseKhatolika...? Anisho—anisho yini, nine bantfu labangemaKhatolika nitsi leloBhayibheli lingumlandvo welibandla laseKhatolika lasekucaleni?”

Watsi, “Yebo.”

“Jesu Khristu wasungula libandla laseKhatolika?”

“Yebo, mnumzane.”

“Nebafundzi bonkhe bebangemaKhatolika?”

“Uh-huh.”

“Futsi babbala liBhayibheli?”

“Uh-huh.”

¹⁶ Ngatsi, “Khona-ke ngiliKhatolika leliyifashini lendzala, ngikholwa loko lokushiwo liBhayibheli, niyabona.” Uma loko bekukufundzisa kwelibandla lasekucaleni laseKhatolika khona-ke ngiliKhatolika, niyabona, hhayi loluhlobo lolusha lweKhatolika, iKhatolika leyifashini lendzala, niyabona, leyo Jesu layimisa.

¹⁷ Futsi empele ni leligama—leligama lelitsi *khatolika* lichaza “umhlaba wonkhe” empele ni. Ngako nje ku... Ngako ngiyakholelwa enkholweni yemhlaba wonkhe Jesu Khristu layimisa ngeluSuku lwePhentekhosti, ngako ngiyiphentekhostali Khatolika. Nike nalibona linye phambilini? Futsi ngako loko kuhle kakhulu.

¹⁸ Sifuna kunibonga ngamunye wenu bantfu, i, ngekubhadala tikweneti. (Ngiyacabanga konkhe sekubhadalelw? Ngabe bangitsatsele umnikelo wesihle? Konkhe kubhadalelw. Futsi batsetse umnikelo wesihle? Manje, uma bangakakwenti, ufaka umnikelo welutsandvo kuloko ngco, kubona kutsi konkhe kubhadalelw.)

¹⁹ Bazalwane bavele batsi nje... Angati lutfo ngemsebenti wako, labanye bayakunakekela loko. Ngitinikela nje emkhulekweni, nekudadisha Livi laNkulunkulu, futsi ngibona lapho Atongiholela khona, nekutsi yini lengingayenta ngisesemmangweni. Futsi ngako, batsi tonkhe tikweneti setibhadelw, futsi bebangitsatsele umnikelo wesihle. Manje, bewugadzingeki kutsi wente loko, niyabona, kuphela nje uma ubhadala tikweneti, nguloko kuphela lokudzingekako.

²⁰ Kodvwa ngitokucinisekisa, mnaketfu, dzadze, kutsi—kutsi leyoncenyenye yalotiphilisa ngako, kutsi lokwendlula konkhe

lengikwatiko kutsi kanjani, ngalolonkhe lwati Nkulunkulu latonginika lona, kutoya eMbusweni waNkulunkulu, kunjalo. Futsi kwangatsi Nkulunkulu anganinika umvuzo ngalesincumo lesi sebuchawe lenisitsetse, futsi—futsi wasita kuletsa lenkonzo esigodzini lapha, kwangatsi Anganibusisa ngalokuphindvwe kalikhulu.

²¹ Kwatsi emBhalweni, “Loko lenikwente kulaba labancane baMi,” loyo bekungaba ngimi, “nikwente kiMi,” kwasho iNkhosi Jesu. Futsi ngako, ngikhulekela kutsi Nkulunkulu utonibusisa kakhulu ngako.

²² Futsi manje, loko lokutosetjentisela timishini tangesheya kwetilwandle, kutsi ngiye emasimini akulamanye emave futsi ngishumayele kubantfu labangenaye ngisho peni munye. Laphaya, titfunywa tenkholo tishumayela liVangeli, tingakagcoki ticatfulo, tingenahembe, tishumayela liVangeli. Futsi bewungalindzela kanjani kutsi bantfu labanjalo basite ngetimali umhlangano? Bebaneke bakwente. Ngubani lobekanga... bebangangitfumela kanjani kutsi ngite lapho futsi ngibuyele emuva? Kodvwa khumbula, imali yakho loyifakile itohambela leyonthoso, kusita kusindzisa labo Jesu labafela kubasindzisa.

²³ Futsi ngiyati kutsi uma kubekwa etandleni tami, ngingumphatsi waloko ke, kusukela ngalesosikhatsi kuchubeke, naNkulunkulu uyongenta ngiphendvule ngako ngeluSuku lekwaHlulelwa, angente ngiphendvule, ngako ngifuna kuba ngumphatsi lomuhle kwenta konkhe lengingakwenta.

²⁴ Futsi manje, nangemkhuleko wenu lomuhle nelubambiswano, njalo ebusuku indzawo igcwele nswi, nebantu bajika, futsi siyakutfokotela loko.

²⁵ Futsi uma kuba yintsandvo yeNkhosi, Ngitama kuphela kuya lapho Angiholela kutsi ngiye khona, niyabona, lapho nje ngiva ngiholeleka khona, bese-ke ngiyahamba. Bese kutsi-ke uma ngikwenta, khona-ke lapho ngidibana nemcabo, ngingema eGameni leNkhosi, futsi ngitsi, “Lapha, Sathane, kuncono uvele usuke endleleni ngoba lena yintsandvo yeNkhosi, niyabona. Ngita ngeliGama leNkhosi Jesu, futsi—futsi ufanele uphume endleleni.”

²⁶ Futsi uma nje sibukisia inkonzo yetfu kanjalo, futsi nje sente loko Nkulunkulu lakutjela kutsi ukwente, akunandzaba noma kubonakala kuliphutsa noma kulungile uma Nkulunkulu akuhola, chubeka nje uhambe, uyabona. Kuto... Intfo yekucala kucabanga ngayo, “Ngabe kuyintsandvo yaNkulunkulu?” Bese-ke kuba yinjongo yakho nenhoso. Uma inhoso yakho ilungile nenjongo yakho ilungile, khona-ke tsani kulentsaba, “Cukuleka,” futsi itonyakata. Kunjalo. Uma kuyintsandvo yaNkulunkulu, nenhoso yakho ilungile, nenjongo yakho ilungile, itofanele ikwente.

²⁷ Benibeketele, futsi sinibonga ngemusa kakhulu. Futsi manje, sifuna futsi kubonga emagonsa alenlangano yekusita, noma ngabe silawulwa kanjani lapha, ngekusivumela kutsi site kulenkundla yetemidlalo lapha, kutsi sibe nemhlangano wetfu lapha, ngiyakutfokotela. Ngiyamtfokotela lomgcinimphahla lokahle, noma—noma umgcinisango ngephandle lapha, umfana lokhulumisekako kahle, uhlala njalo avusela futsi amuhle sibili.

²⁸ Futi—futsi konkhe, umculo, ngive Dzadze Fife, Olivia Fife, kuhlabela kwakhe, bavela, beta ngalapha bavela eLos Angeles, enhla lapha. Loko kuhle kakhulu, Dzadze, impela ngiyakutfokotela loko. Nabo bonkhe bangani bami labavela etincenyeni letehlukene telive, Fresno, eBakersfield, nasemacentselweni lebekasivakashelle, impela siyanibonga ngetinhltiyo tetfu tonkhe.

²⁹ Futsi uma kukhona lengikushiyile, ngani, ngitsetseleni, Ngi—ngifuna nati kutsi sikutfokotela sibili konkhe lokwentiwe, wonkhe umtamo. Futsi nje ngingicela kutsi nisikhulekele manje, sisachubeka.

³⁰ Futsi manje, ngibona emaduku labekwe lapha kutsi akhulekelwe. Ngani, impela siyakwenta loko. Futsi uma ungalitfolanga liduku lakho etulu lapha ngibhalele nje: eJeffersonville e-Indiana kuPost Office Box 325. Futsi manje, utolitfola, litobuya li—liduku lakho. (Ngiyabonga.) Sitfola... Nitofola, hhayi liduku, ngoba ngingeke ngikhone kuwatfumela, ba—babita cishe lishumi nesihlanu, emasenti langemashumi lamabili ngalinye, netinkhulungwane talawo ngenyanga, niyati kutsi niyaphi, ngingeke ngikhone kukutsenga. Kodvwa ngingeribhoni, netintfo letincane dzadze langisebentela tona, futsi atitfole, atijube, futsi atilungise.

³¹ Manje, utotfola incwadzi lejwayelekile nje levela kumabhalane. Futsi utokulungisa, ngoba ngumkhuleko wemhlabo wonkhe lochubekako ngaso sonkhe sikhatsi, likutjela kutsi yentani, kutsi isetjentiswa kanjani lendvwang yemkhuleko. Futsi uma niyifuna yinye, futsi ningenamsebenti wayo manje, tfumelani, nitfole yinye, yibekeni eBhayibhelini lenu e—eTentweni sahluko se 19, itokutjela kutsi wenteni ngayo. Bese—ke uligcina lapho, loluswane loluncane luvuka ngalobunye busuku lugula, lomunye alimale, tsatsa leyondvwang uyibike etikwabo, bese uyabukisisa kutsi kwentekani. Kholwa nje. Niyabona na? Futsi lolo kutawuba luphawu lwakho.

³² Akubhadalwa, kute tindleko letikhokhwako, tfumela nje futsi uyitfole. Nguloko kuphela. Sibhalele nje, uma ungakhoni kucabanga ngalenombolo, 325, cabanga nje ngemadola lamatsatfu nemasenti langemashumi lamabili nesihlanu. Futsi uma ungakhoni kucabanga ngaloko, vele ubhale eJeffersonville, e-Indiana, wonkhe umuntfu uyangati, ngisho nasemaphoyiseni, futsi ngako batociniseka kutsi ngiyakutfola.

Ngako, kutfumele nje, futsi sitojabula kukukhonta. Yebo, beta ebandleni lami, labanengi babo, lijaji lita ebandleni lami, futsi si—sinenhlanganyelo nabobonkhe labasedvute.

³³ Futsi uma nomayini mayelana nemibono, noma yini, uma noma nguyiphi yaletotintfo ingabateka, uyatibuta nje kutsi kukuphi...kungani ungeti, eJeffersonville futsi ubute labanye betikhulu kulelidolobha lapho? Nibone uma lemibono beyihlala njalo injalo, nibone uma ike yehluleke, noma umuntfu lotsite loya emihlanganweni, futsi abukisise, futsi abone kutsi ngabe yake yehluleka yini, impela cha.

³⁴ Bahleti etitolo lotsenga udlele kuto, bagibebe emgwacweni, noma ngabe kukuphi, ubona nje lu—lu—luhlangotsi loluncane lwako lapha, niyabona, emalayinini, ngoba nguwe lokwentako empeleni, niyabona, kukholwa kwakho lokuletsa loko. Uma Nkulunkulu akusebentisa, ngalokuvamile kuyintfo lenkhulu kutsi Usho siphetfo kusukela ekucaleni.

³⁵ Bengihleti ekamelwени esikhashaneni lesendlulile ngikhuluma neMnaketfu loligugu Arganbright, *lapho*, besi—besikhuluma ngekutsi loko kwenteka kanjani, kutsi kwenteka kanjani, kutsi loko kungashiwo kanjani ngaphambi kwekutsi ngisho kufezeke. “Ukwenta kanjani...?” Watsi, “A—angikutfoli nje, niyabona kutsi ungahlala kanjani lapha futsi usho tintfo letitokwenteka kusasa.” Niyabona na? “Kutsi kwenteka kanjani evikini lelitako, lapho utotfolia khona umuntfu, kutsi utobe entani, kutsi kutokwentekani uma...Nayo kanye nje lemibuto latonibuta yona, netimo letifanako lenitotfolia *loku* kuto futsi...” Yebo-ke, nguMoya loyiNgcwele, We—Wetsembissa. Manje, Akasitjeli tonkhe tintfo, Usitjela nje noma yini Lafuna siyati.

³⁶ Manje, uma bewungatsi, “Mnaketfu Branham, Utotsini ngami?” Angati. “Utotsini Yena...? Ngabe Ukutjela yonkhe intfo, futsi akuvumele ugege tinkhatsato?” Cha, mnumzane. Tikhatsi letinengi ngihamba ngingene ngco kuto, inhloko etikwetitsendze. Kunjalo.

³⁷ Kutsiwani nge...? Kube-ke make wami bekalele lapha afa, futsi atsi, “Ndvodzana, ngike ngakhwesha etafuleni sikhatsi lesinengi ngilambile, kute ube nalokutsite lotokudla, Ngakumunyisa ebeleni lami ngesikhatsi useluswane loluncane. Ngabe ngitolulama yini noma cha?” Bingegeke ngati, bingengeke ngisho, bengitofanele nje ngibute Babe wetfu loseZulwini. Uma Angitjelile, bengingamtjela make wami, uma Angakangitjeli, bingengeke ngimtjеле, ngoba angati. Niyabona na? Ngivele nje...

³⁸ Konkhe kubusa, kukuYe, umuntfu akahlangani ngalutfo nako, ngako ngako-ke ngijabula kakhulu kutsi Nkulunkulu wakwenta kanjalo. Ngako sonkhe, loko kusibeka sonkhe... Bekangakhuluma nawe futsi ashо intfo lefanako, niyabona,

akunandzaba. Ngako akukho namunye wetfu lomkhulu noma lomkhulu, sonkhe sibantfwana labancane baNkulunkulu, niyabona, sonkhe sibantfwana baNkulunkulu. Futsi Usebentana natsi ngalokwehlukile, kodvwa nguBabe loseZulwini lofanako lowenta lokusisebenta.

³⁹ Manje, namuhla, sitsite sitowakhulekela onkhe lawomakhadi ekukhulekelwa lesiwakhokhile. Futsi ngitsite kuBilly, "Mangakhi lakhokhiwe?"

⁴⁰ Watsi, "O, cishe emakhulu lamane noma lasihlanu, nguloko kuphela." Ngako, wase utsi-ke esikhashaneni lesendlulile, watsi, "Uyati ngibe nalamanengi kakhulu lengiwakhiphile," watsi, "Ngidzingeke ngitfole labafana bete bangisite nginikete wonkhe umuntfu likhadi lekukhulekelwa." Ngako kuncono ngicale, akunjalo? Noma nakungenjalo singeke sicedze. Kodvwa si... INkhosi itosisita. Ngilindze tinsuku letisihlanu kuleli-awa manje, kuya lapho kutokwenteka khona intfo letsite uma nje sitokuvumela kwenteke.

⁴¹ Manje, siyati kutsi tiphiwo nekubitwa kungaphandle kweKuphendvuka, futsi singenta kuphela njengoba sitovumela Nkulunkulu ente. Futsi manje, sonkhe siyati kutsi kuphilisa kwaNkulunkulu akusiyo intfo u—umshumayeli layiphatsa esutukesini lelincane, noma akusiyo intfo letsite lanayo etandleni takhe, Kuphilisa kwaNkulunkulu kukholwa kwakho lucobo emsebentini losewucedziwe Khristu lakwentela wona eKhalvari. Niyabona na? Kuyintfo Nkulunkulu lakwentele yona.

⁴² Ngicabanga kutsi uMnaketfu Borders uwufundzile umBhalo esikhashaneni lesendlulile, emaHebheru, noma, kubaseRoma sahluko 4, nga-Abrahama. Futsi ngifuna kutsatsa sihloko kulentsambama lesitfolakala kuGenesisi 22, sahluko sema 22 saGenesisi nelivesi le 14, futsi sitofundza.

⁴³ Kodvwa ngaphambi nje kwekutsi sifundze, sifanele sisondzele kuKhristu, kucala, ngemkhuleko. Asikhotsamise tinhloko tetfu. Bangakhi lofuna kukhunjulwa? Phakamisani tandla tenu, futsi nitsi, "Nkulunkulu, ngihawukele."

⁴⁴ Babe wetfu loseZulwini, njengoba sita ngekutitfoba kakhulu eGameni leNkhosi Jesu, ngibuka lesicuku lesi lesimangalisako, futsi nje ngitibuta kutsi siyoke sibonane yini futsi. Ngiyababuka, ngiyacabanga, "Angati noma ngiyoke ngibabone yini bonkhe futsi, kanjena?" Ngingahle ngingaphindzi ngikwente. Uma bengingabuya futsi emnyakeni kusukela manje, akungabateki kodvwa labanengi lapha bangeke babe lapha ngalesosikhatsi. Futsi ngiyacondza-ke kutsi letintfo lengitishoko tiyoba njalo, ngiyophendvula ngato ngeluSuku lekwaHlulelwa. Ngingahle ngingabi lapha, cobo lwami, umnyaka kusukela namuhla, akekho namunye wetfu longahle abekhona, Jesu angahle efike

noma ngasiphi sikhatsi. Futsi uma Enta, siya ekhaya naYe, ngoba Wasetsembisa kutsi besingahamba.

⁴⁵ Kodvwa kunalabanye ekhatsi lapha, mhlawumbe, Nkhosi, longakwati Wena, futsi longakakulungeli kuhamba, nguloyo lesifuna kusebentana naye, khona manje. Ngikhulekela kutsi kukhona lokutokwenteka kulentsambama, kutophendvulela tinhlitiyo tabo kuWe.

⁴⁶ Ngikhulekela bonkhe labaphakamise tandla tabo, labanengi balabo bebangemaKhristu lagcwaliswe ngaMoya, akungabateki sibalo lesikhulu kunato tonkhe lesasikhona, futsi bayagula futsi bayadzinga. O Jehova Nkulunkulu loMkhulu, baphe tonkhe tidzingo tabo, naloko kutoba kukholwa kutsi umsebenti lose ucedziwe sewufeziwe.

⁴⁷ Manje, kuletinkonzo leti letine letendlulile sitame kamatima, Nkhosi, kubeka kukholwa kwalabantu laba ngasemsebentini lose ucedziwe lowentiwa eKhalvari, nesetsembiso Nkulunkulu lasenta, naloko Khristu lakwenta, nebaphostoli labakwenta, nebaprofethi labakwenta ngalolusuku. Futsi sibonga kakhulu kuWe, Nkhosi, kutsi Ucinisekise lonkhe livi lalo kutsi liliciniso. Manje, siyati kutsi Ulapha; bantfu balindzele kukhulekelwa.

⁴⁸ Manje, njengoba sitsatsa leloGama lesihloko, sikhulekela kutsi—kutsi Utosenta sitsele, kwangatsi lingakufenza loko lelihloselwe kona. Sibusise kanyekanye, Babe, njengoba silindza kuWe manje, ngekukhontwa kweLivi. Siyakucela, eGameni laJesu. Amen.

⁴⁹ Futsi manje kuGenesi 22:14:

Futsi Abrahama wacamba ligama lalendzawo ngekutsi nguJehova-jayira: njengoba kushitiwo..., Entسابنی یه کو خوسی کو یابونه لولوا.

⁵⁰ Manje ngifuna kutsatsa leloGama linye laJehova: *Jehova-Jayira*. Nkulunkulu unalasikhombisa layinhlanganisela, emaGama ekuhlenga: *Jehova-Jayira*, “iNkhosi itotibonela Yona lucobo umhlatjelo”; *Jehova-Rafa*, “iNkhosi lekuphilisako”; *naJehova-Manase*, nakanjalonjalo, “liHawu letfu, uMjeka wetfu.”

⁵¹ NalawoMagama akehlukaniseki, uma AnguJehova-Jayira, khona-ke UnguJehova-Rafa futsi. Niyabona na? Futsi ngako, ungeke wawehlukanisa lawomaGama ekuhlenga. Futsi uma Jehova-Rafa bekangakasetjentiswa kuJesu, akazange asetjentiswa naye, kanjalo futsi bekungasetjentiswa kuYe, Jehova-Jayira, ngako uma Angesuye uMphilisi, Akasuye uMsindzisi. Ngako, futsi uma AnguMsindzisi, UnguMphilisi futsi, futsi ngumsebenti lose ucedziwe.

⁵² Manje, sikhulumaga nga-Abrahama naJehova-jayira. Naleligama lelitsi *jayira* lichaza kutsi, “iNkhosi itotibonela Yona lucobo umhlatjelo.”

⁵³ Manje, siyatfolo ekukhulumeni nga-Abrahama... NginemiBhalo lembalwa leyehlukene levela kuGenesisi 12, 15, 17, 18, nelema 20, nelema 22, Ngifuna nje kushaya tindzawo letiphakeme talemiBhalo, emaphuzu laphakeme, futsi sikuhlanganise ndzawonye kweluphumo loluncane kulentsambama ekufundziseni kwetfu, kute sikuvete ebeleni ngempela, kute nibe nekukholwa ngempela.

⁵⁴ Manje, ngifuna wonkhe umuntfu, ikakhulukati nine lenitokhulekelwa, noma nine lenikhulekela lomunye umuntfu, lalelisisan manje, emphilweni ya-Abrahama.

⁵⁵ Manje, sivumelwano sentiwa na-Abrahama, futsi hhayi ku-Abrahama kuphela, kodvwa Abrahama neNtalo yelukholo lolufana nelwakhe. Futsi-ke sifanele sikhumbule kutsi siyiNtalo ya-Abrahama. LiJuda alisilo li*Juda*, leliliJuda ngekwebuve, liJuda li*Juda* ngekhatsi, UyiNtalo ya-Abrahama uma atsatsa Khristu, uba yiNtalo ya-Abrahama, futsi basesivumelwaneni na-Abrahama, ngoba setsembiso sentiwa ku-Abrahama.

⁵⁶ Manje, siba kanjani yiNtalo ya-Abrahama? Uma sinekukholwa Abrahama lebekanako. Uma nicaphela, njengoba uMnaketfu Borders afundza imiBhalo, ngabe loku kwefika ku-Abrahama ngesikhatsi asokwa, noma angakasokwa? Ngesikhatsi a...Ngaphambi kwekutsi asokwe. Ngako niyabona, imisebenti ayisifikisi ndzawo, kukholwa kwetfu lokusisindzisako.

⁵⁷ Futsi ngi—ngifuna nicaphele kutsi Abrahama wamkholwa Nkulunkulu, futsi kwabalelwu kuye, noma, kwabalelwu kuye kutsi kukulunga, ngoba wamkholwa Nkulunkulu. Manje, wentani? Atsatsa kufundvwa kwemBhalo, “Akangabatanga esetsembisweni saNkulunkulu ngekungakholwa, kodvwa wacina, anika Nkulunkulu ludvumo.”

⁵⁸ Manje, uma siyiNtalo ya-Abrahama, manje, lalelisisan manje, kutoncinta, uma siyiNtalo ya-Abrahama akukho lutfo lolutosikhweshisa esetsembisweni saNkulunkulu. Akunandzaba kutsi kuvelani, noma ngubani losho lokwehlukile, iNtalo ya-Abrahama ingeke isishiye lesosetsembiso, uma uyiNtalo ya-Abrahama. Kodvwa uma untengantenga, futsi usuke uhambe, futsi utsi, “Yebo-ke, angikakutfoli, Ngi...kufanele kutsi bekukwalesinye situkulwane, akusebenti nje kimi.” Leyo akusiyo iNtalo ya-Abrahama, khona-ke kukhona lokungalungi ngelwati lwakho.

⁵⁹ Nkulunkulu wenta setsembiso, Nkulunkulu utofanele asigcine lesosetsembiso, uma Angasigcini lesosetsembiso, khona-ke Akasuye Nkulunkulu. Kodvwa uma Asigcina lesosetsembiso, indlela kuphela lesingaphila ngayo kungekukholwa kwakho kusenta siphile. Livi laNkulunkulu liyiMbewu.

⁶⁰ Futsi njengoba Nkulunkulu anika Abrahama setsembiso, futsi sibe netinkhulungwane teminyaka yelwati kusukela ku-Abrahama, kodvwa Abrahama wenta setsembiso ku, noma, Nkulunkulu wasenta ku-Abrahama naseNtalweni yakhe emvakwakhe. Niyacondza? Tsanini, “Amen.” [Libandla litsi, “Amen.”—Umhl.] Ku-Abrahama, *futsi*, sihlanganiso sibopha umusho ndzawonye, Abrahama *neNtalo* yelukholo lolufana nelwakhe. Hhayi *tintalo* takhe, kodvwa *iNtalo* yakhe, *iNtalo yaLoyo* Abrahama lakholwa kutsi beketa ngekukholwa. Ngaloko kufika Isaka, nga-Isaka kufika Khristu, ngaKhristu kufika wena nami.

⁶¹ *iNtalo ya-Abrahama*, hhayi *tintalo njengaletinengi*, kodvwa *iNtalo*, *iNtalo* yesetsembiso. Abrahama bekanemadvodzana lamanengana, Ishmayeli, wase-ke uba nemadvodzana lasikhombisa ngalomunye wesifazane, emvakwekuba Sara sekafile, ngaphandle kwemadvodzakati. Ngako, sitfola kutsi kwentiwa *eNtalweni ya-Abrahama*, *iNtalo* lebekakholwa kutsi yayitofika ngewesifazane lokhululekile, lobekayinyumba ngalesosikhatsi.

⁶² Manje, ake sikwendlalele kancanyana nje. Manje, i... Sitocala kuGenesi 12, futsi sakhe kuye kuloGenesi 22:14. Manje, caphelani kutsi... Bangakhi manje labangacondza kutsi tsine lesifile kuKhristu sitiNtalo ta-Abrahama, futsi sitindlalifa kanye naye ngekvesetsembiso? Phakamisani tandla tenu. Kulungile.

⁶³ Tsine lesifile kuKhristu, lesifile etintfweni telive, khonake hlobo luni lwesimilo lesifanele sibe naso? Ngiyatibuta, kutsi sifanele, hlobo luni lwemuntfu lesifanele sibe ngilo uma siyiNtalo ya-Abrahama, futsi sitindlalifa kanye naKhristu, kanye naye esetsembiswени? Similo setfu nendlela lesenta ngayo iveta loko lesinako ngekhatsi kwetfu.

⁶⁴ Uma sitsi siyamkholwa Nkulunkulu bese-ke siyangabata esetembisweni, futsi sitsi, “Yebo-ke, angikakutfoli.” Khona-ke asisiyo iNtalo ya-Abrahama. Uma siyiNtalo ya-Abrahama, futsi siphume futsi sente tintfo telive, sitikhulumela tsine nje kutsi siyiNtalo ya-Abrahama, futsi *asisiyo* iNtalo ya-Abrahama. Niyabona na? Abrahama akangabatanga esetembisweni saNkulunkulu.

⁶⁵ Eminyakeni lemidze leyendlula, ngikhuluma ngesimilo... Ngalokwejwayelekile bayangilandzela ngekutsi ngisishaya kanjani si—similo selibandla, sifanele siguculwe futsi siphindze sivuswe futsi. Ngoba ngiyati uma libandla licala kulahlekelwa timphawu talo, similo salo sesihambile neluphawu lwalo, liyehla. Uma similo salo sihamba, timphawu tihambisana naso, ngoba uma bacala kutiphatsisa kwelive, futsi babukeke njengelive, futsi batihlanganise nelive, Khristu uyaphuma, nelive liyangena.

⁶⁶ Ngingumningizimu. Futsi ngi... Entasi etifundzeni taseningizimu, eminyakeni leyendlula, bebabamise kuletsa tigcila tivela e-Africa, emaBhunu enta, futsi atitsengisele eningizimu, njengemahhashi emsebenti.

⁶⁷ Futsi ngikholwa impela kutsi Abraham Lincoln bekangulomunye waboMengameli labakhulu kunabo bonkhe lesake saba nabo ngekukhulula sigcila. Nkulunkulu akazange ahlose kutsi noma ngumuphi umuntfu abe sigcila. Hhayi libala lakhe, noma sivumokholo sakhe, yena, akunandzaba kutsini, akafaneli abe sigcila. Nkulunkulu wenta umuntfu ngemfanekiso waKhe luCobo, afana naYe. Umuntfu wenta tigcila, hhayi Nkulunkulu.

⁶⁸ Futsi bebabamise kuletsa letotigcila futsi batitsengise, futsi bewungatisenga njengoba ungenta emotweni leseyike yasetjentiswa endzaweni yekupaka timoto. Labatsenga batsengise tigcila bebandlula futsi batitsenge, futsi bangena etinkapaneni tetihlahla futsi batishintjanisa. Unalenkhulukati, indvodza lesidlakela, futsi mhlawumbe umkayo ungulomncane, wesifazane locatsa, ngani, batsenga nje wesifazane lomkhulu ngalokutse gcagca, bese batalanisa lendvodza lenkhulu nalona wesifazane lomkhulu kwenta tigcila letinkhulu ngalokutse gcagca, njengetinkhomo. Ucondze kutsi loko kutotfokotisa Nkulunkulu? Cha, mnumzane. Akekho umuntfu longaba ngumKhristu futsi akholwe ebugcilini.

⁶⁹ Esikhatsini lesitsite lesendlulile emsamo lengangihamba kuwo ngalelinye lilanga, Ngabona indvodza lendzala lelikhalatsi lenendingilizi lencane nje yetinwele enhloko yayo, imhlophe njengeboya betimvu, futsi bekabuka, bekanesigcoko sakhe esandleni sakhe, futsi emvakwesikhashana wabuka ngale etikwentfo lencane leyingilazi, futsi wagcumela emuva ngalokukhulu kushesha, tinyembeti tehla etihlatsini takhe, futsi wahamba, bekabukeka kwangatsi bekakhuleka.

Ngambukisisa lomfo lomdzala imizuzu lembalwa, ngenyukela kuye, Ngatsi, "Malume," ngatsi, "yini—yini le-lokhuleka mayelana nayo? Yini lekujabulisile?"

Wangibuka ngalokungakejwayeleki sibili, watsi, "Bengibonga Nkulunkulu."

Ngatsi, "Ngibonga Nkulunkulu ngaloko, ngingakucela?" Ngatsi, "Ngingumfundisi, ngitotsandza kwati, nje, bengikubukisisa nje."

Watsi, "Wota lapha." Watsi, "Buka lapho."

Ngatsi, "Angiboni lutfo ngaphandle kwengubo, ingubo yewesifazane."

Watsi, "Kodvwa uyalibona lelobala lapho?"

"Yebo."

⁷⁰ Watsi, “Leyo yingati ya-Abraham Lincoln.” Watsi, “Uma bewungabeka tandla takho ngaseluhlangotsini lwami, bewuyova tibati telibhande lebugcila.” Watsi, “Leyongati yasusa libhande lebugcila kimi.”

⁷¹ Ngacabanga, “Uma linigro belingativela ngaleyondlela ngengati ya-Abraham Lincoln leyasusa libhande lebugcila kulo, ufanele enteni umKhristu uma abona iNgati yaJesu Khristu, Lowakhokha umphefumulo wakhe esihogweni, umphefumulo wakhe ebugcilini, tintfo telive? Singabuyelelani emuva futsi sibe sigcila sadeveli futsi?”

⁷² Bebabamise kutsenga labantfu laba labangemakhalatsi nge, batfole incwadzi yebuniyo yabo njengoba nje bewungenta, noma sigcebhezana sekutsengisa. Ngalelinye lilanga lotsenga atsengise tigcila wefika enkapaneni yetihlahla letsite, watsi, kule nkapanane yetihlahla, watsi, “Unato tigcila lotsengisako na?”

Watsi, “Yebo-ke, nginaletitsi atibe likhulu ngephandle lapha, ngako ungahle utibukisise, mhlawumbe sente kutsengiselana lokutsite.”

⁷³ Futsi bona, bantfu uma bavela eveni labo lendzabuko, ngalapha bavela e-Africa, beba—bebadzabukile, futsi beva buhlungu. Bebabashaya kubenta basebente, batsatse siswebhu lesikhulu, futsi babashaye kubenta basebente. Bebangafuni kusebenta, ngoba bebangenasibindzi sekusebenta, bebangenasibindzi nje.

⁷⁴ Futsi bacaphela, ngesikhatsi lotsenga atsengise tigcila asahambahamba, bekukhona munye lobukeka akahle, lomkhulu, umfo locinile, umfo losemusha, bebangadzingeki kutsi bambhacabule, bekafusele sifuba sakhe embili, silevu sakhe sibheke etulu, bekeme atse tfwi futsi ahamba.

Ngako lotsenga atsengise tigcila watsi, “Awusho, ngitsandza kutsenga lesosigcila.”

Kodvwa umnikati watsi, “Akatsengisi.”

Watsi, “Ngabe ungubasi etikwato tonkhe leletinye?”

Watsi, “Cha, usigcila.”

Watsi, “Ngabe uyi...?” Watsi, “Mhlawumbe umondla ngalokwehlukile kancane kubo bonkhe labanye?”

Watsi, “Cha, bonkhe badla ngephandle lapho emgezelweni ndzawonye.”

Watsi, “Yini lementa ehluke kakhulu kangaka kuleletinye tigcila?”

⁷⁵ Watsi, “Bengahlala ngitibuta, nami, ngaze ngatfola ngako.” Watsi, “Uyabona, ngesheya eveni lendzabuko uyise uyinkhosи yesive, futsi naloku nje angumfokati, noko uyati kutsi uyindvodzana yenkholosi, futsi utiphatsisa kwayo.”

⁷⁶ Uma linigro ebugcilini belingati kutsi uyise bekayinkhosive yesive, hlobo luni lwekutiphatsa wesilisa noma wesifazane lofanele akwente, lowatiko kutsi Nkulunkulu uyiNkhosi yetfu, naloku nje sibetive sihamba lapha kulelive? Tihambi nebafofati sitisho kutsi siyiNtalo ya-Abrahama, sifuna liDolobha uMakhi neMenti walo kunguNkulunkulu, lotako ngalelinye lilanga.

⁷⁷ Bekufanele kube yini konkhe kutiphatsa kwetfu? Hhayi njengelive, kodvwa sifanele sitiphatsise kwemadvodzana nemadvodzakati aNkulunkulu, sitiphatsise kwebantfwana beNkhosi, hhaiyi njengetigcila temafashini, netigcila telusizi, netigcila tekutichenya. Futsi sifanele sibe ngemadvodzana nemadvodzakati aNkulunkulu, futsi sitiphatsise kwako, futsi sitiphatse ngaleyondlela, tingcogco tetfu, nako konkhe, nakunongwe nguMoya waNkulunkulu.

⁷⁸ Sivumelwano sanikwa Abrahama naseNtalweni yakhe, manje caphelani, sivumelwano sasingumusa mbamba, ngalokuphelele. Bekungekho kutsi, “uma utokwenta,” noma, “uma ungeke,” noma, “uma wenta *luku*, Ngitokwenta *luku*,” Watsi, “Sengivele ngikwentile,” hhaiyi kutsi, “uma utokwenta lokutsite.”

⁷⁹ Wenta sivumelwano na-Adamu futsi wasephula. Sonkhe sikhatsi uma umuntfu enta sivumelwano naNkulunkulu, umuntfu wephula sivumelwano sakhe, kodvwa Nkulunkulu bekatimisele kusindzisa umuntfu, ngako Wenta lesivumelwano lesi lesingenambandzela na-Abrahama, o, nasi, Abrahama *neNtalo* yakhe, niyabona, sivumelwano asiniketwa wena ngaphandle kwembandzela, hhaiyi kutsi, “uma utokwenta,” “Ngitokwenta.”

⁸⁰ Ngako-ke awudzingi kutsi utsi, “Uma—uma—uma—uma—uma, Nkhosi, uma—uma ngitokwenta *luku* noma ngente *lokwa Utongiphilisa?*” Sewuvele ukwentile, akunambandzela, Sewuvele ukwentile, ufanele nje ukwemukele.

⁸¹ UMoya waNkulunkulu kuwe uyamemeta, utsi, “Nkulunkulu, Unga...?” Njengalomake lomncane nje eluhlakeni lwembhedze lapha, lona lomncane, umfana lobukeka amuhle lohleti lapha esitulweni semasondvo, make achachateliswa lidvumbe, “Nkulunkulu yini lengingayenta kuKwenta ungiphilise?” Sewuvele ukwentile, intfo kuphela lofanele uyente kutsi nje ube yiNtalo ya-Abrahama. Ukwenta kanjani? Ngekukholwa eNkhosini Jesu Khristu futsi ugcwaliswe ngaMoya, nguloko-ke, akunambandzela.

⁸² “Yini lengitodzingeka ngiyente kwenta loko?” Kute lutfo ngaphandle kwekuholwa, nguloko kuphela. Kwemukele nje, kubekwe embikwakho ngco, intfo kuphela lofanele uyente kufinyelela futsi ukutfole, utsi, “Kwami, Nkulunkulu wangipha kona,” bese-ke ungangabati ngako, akunandzaba kutsi kwentekani.

⁸³ Emvakwekuba sewukhulekelwe, ungaphumi bese utsi, “Yebo-ke, angikaze ngive lutfo.” Manje, uma wena, uma utfola loko-loko kuwe, uma nomayini ngisho isho loko kuwe, uyati kutsi ngudeveli, ngoba uphilisiwe, ngaphandle kwembandzela uphilisiwe.

⁸⁴ Wena utsi, “Yebo-ke, angikafaneli kophiliswa.” Cha, angikafaneli nami, akekho lomunye lofanele. Kodvwa akusiko loko longiko, kunguloko Langiko. O, hhe! Ungatibuki wena, buka uMhlatjelo.

⁸⁵ Kube-ke, emuva eThestamentini leLidzala, noma ngaphansi kwemisetsetfo yemhlatjelo, kube-ke umnyuzi lomncane bewutelwe, futsi loyomyuzi lomncane bewuba netindlebe tawo tehlele phansi, emehlo awo amasoli, emadvolo awo aboshelwe ndzawonye, umsila wawo ucondze etulu? Yebo-ke, sidalwa lesibukeka kabi kanje pho!

⁸⁶ Uma lowomfo lomncane bekangacalata, bekayotsi, “Yebo-ke, bangeke bangondle, angikafaneli kondliwa, cha, mnumzane, ngoba buka letindlebe leti.” Manje, noma ngumuphi umnyuzi lonetindlebe tawo letilengako ungumnyuzi lomubi. Lonemasoli? Lonemadvolo labhodzene? Awukalungi nhlobo.

⁸⁷ Bekayotsi, “Yebo-ke, ngi—ngiyacabanga masinyane nje uma umnikati longumnikati wami aphuma, ngani, utovele nje atfole lizembe futsi angishaye enhloko, ngoba angikafaneli kondliwa.” Cha, akakafaneli.

Kodvwa kube-ke lowomake wakhe lomdzala bekangakhuluma ke? Atsi, “Umzuzu nje, S’tandwa, ngifuna kukutjela lokutsite, uyabona. Utophila.”

“Ngani, Make?”

⁸⁸ “Ngoba ultibulo lami, unebutibulo. U—umnikati uto, umphristi angeke akubuke kubona kutsi ukahle noma cha, kodvwa kute uphile, kutofanele cube neliwundlu lelitofanele lingabi nasici, kutsatsa indzawo yakho.”

⁸⁹ Ungatibuki wena, buka liWundlu lakho. Nkulunkulu akakwemukeli, Wemukela liWundlu, neliWundlu latsatsa indzawo yakho. O Nkulunkulu! Anikuboni? Hhayi wena, awukafaneli, angikafaneli, akukho namunye wetfu lofanele. Kodvwa, niyabona, ngabe Ufanele? Nkulunkulu washo njalo, WaMemukela, Watsi, “Lena yiNdvodzana yaMi letsandzekako, leNgitfokotile ngaYo; lena yiNdvodzana yaMi, Yiveni,” ngelusuku lwekubekwa kwemntfwana, “lona nguYe.”

⁹⁰ Ungasho kutsi, “Yebo-ke, dokotela utsi angeke ngisindze.” Nguloko lokushiwo ngudokotela. Manje, lendvodza iyindvodza yesayensi, ibuka indlela imvelo legijima ngayo, futsi uyabona kutsi ungeke usindze, loko ngekwesayensi kuyamkhombisa loko. Yebo-ke, nguloko lakubukako, uma ubuka intfo lefanako, ungeke usindze. Kodvwa ungabuki loko lakusho, ungabuki loko

lo... kutsi uyafiphala kanjani, kodvwa buka uMhlatjelo wakho. Nguloko-ke.

⁹¹ Futsi khumbulani niyiNtalo ya-Abrahama netindlalifa kanye naye, khona-ke uma unjalo, hlala nesetsembiso, Memukele njengeMphilisi wakho, futsi nje uhiale khona lapho. Abrahama wakukholwa, futsi kwamtsatsa iminyaka lengemashumi lamabili nesihlanu ngaphambi kwekutsi loluswane latalwe, kodvwa esikhundleni sekuya ngekuba butsakatsaka, nsuku tonkhe waya ngekucina, ngekucina. Yebo, mnumzane.

⁹² Ngingacabanga nje, manje, loku, litsema akuvakali kukungahloniphi lokungcwele, kodvwa ungake ucabange nje indvodza lendzala manje? Bekeneminyaka lengemashumi lasikhombisa nesihlanu budzala ngesikhatsi Nkulunkulu eta kuye, wahlangana naye, umkakhe, Sara, bakenemashumi lasitfupha nesihlanu, bebete bantfwana, bekayinyumba, bekayinyumba, ngako beba ngenabantfwana. Futsi Nkulunkulu watsi, "Abrahama, Ngitokunika umntfwana ngemkakho, Sara, Futsi ngaleyNtalo Ngitosindzisa tonkhe tive. Loko kuto... Utoba ngu—utoba ngubabe wetive letinengi."

⁹³ Manje, ungake ucabange nje indvodza lendzala lelokhehla lehlela kudokotela nemkayo anemashumi lasitfupha nesihlanu, futsi bente indzawo esibhedlela kutsi babe neluswane?

⁹⁴ Niyati, uma utsatsa Nkulunkulu... Uma uyiNtalo ya-Abrahama sibili, tintfo telive tibilima kuwe, nelive, bacabanga kutsi usiwula, ngoba li—lingemave lamabili lehlukene.

⁹⁵ Lapha ngalelelinye lilanga, yebo-ke, ngelihlobo lelendlulile umkami nami saya ngale esitolo kuyotfola lokunye—lokunye kudla, Ngingena ngivela kulomunye wemikhankhaso yami, futsi—futsi ngibone intfo lengakejwayeleki eveni lami, sasiya ngale esitolo segrosa, futsi ngabona dzadze agcoke siketi, ngatsi, "Mfana, uyifashini lendzala, akasiyo na?" Bonkhe lalabanye babo bebangcunu ngalokuphindvwe kayimfica eshumini. Ngatsi... Futsi ngi...

⁹⁶ Watsi, "Ngifuna kukubuta lokutsite, Billy," umkami watsi, watsi, "buka, loyo—loyo wesifazane, labantfu laba bahlabela emakwayeni, futsi baya esontfweni," watsi, "yini lebenta bente loko na?"

⁹⁷ Ngatsi, "Aba—abasibo be—abasibo balelive." Manje, uya e-Africa, utfola umoya wesiBhunu; ungena eSwitzerland, utfola umoya waseSwitzerland; ungena eJalimane, utfola umoya waseJalimane; uta eMerica, utfola umoya waseMerica, loko kukhashane kabi nekuba nguMoya waNkulunkulu. Kodvwa-ke yini leyenta...?

⁹⁸ Wena utsi, "Onkhe lamaMerica enta kanjalo?" Ya, lowo ngumoya waseMerica. Kodvwa uma uyiNtalo ya-Abrahama, khona-ke awusesiyo—awusesiyo... uphila lapha, lesi sive

sakho, futsi ufanele ubonge ngako, kodvwa empeleni awusuye umMerica, ungumKhristu, neMoya wakho uvela ngeTulu, ngako kukwenta utiphatse njengoba benta etulu Lapho, hhayi njengoba benta phansi lapha, ngcwele, kuhlanterka, kulunga, lutsandvo, tinhlonipho kulomunye nalomunye, lutsandvo lwekumesaba nkulunkulu kulomunye nalomunye, utalwa ngeTulu, kungaleso sizatfu utiphatsa ngalokwehlukile, ngoba uMoya wakho uvela etulu Lapho.

⁹⁹ Manje, Abrahama wanikwa lesetsembiso lesi, futsi, mhlawumbe, emvakwenyanga yekucala watsi kuSarah, “Utiva unjani, S’thandwa?”

“Akukho kwehluka.”

¹⁰⁰ “Akadvunyiswe Nkulunkulu, sitoba naloluswane, nakanjani. Lungela, hamba ulandze tipeneti, nema-phini, nemabhudzanyana ebantfwana, nayo yonkhe intfo, sitoba nalo.” Kute sibonakaliso salo, nhlobo.

Walindza letinye tinsuku lettingemashumi lamabili nesiphohlongo, “Utsini ngako, Sara?”

“Kute umehluko, S’tandwa.”

¹⁰¹ “Ludvumo kuNkulunkulu, kutoba ngummangaliso lomkhulu kakhu manje, uma kwenteke ngenyanga leyendlulile.” Niyabona na? Kulungiselela kona. “Gcina nje tipeneti, nayo yonkhe intfo ilele edvute, itofika.”

Iminyaka lelishumi yendlula, “Utiva unjani, S’tandwa?”

“Akukho kwehluka.”

“Ludvumo kuNkulunkulu, yiminyaka lelishumi ngetulu, ummangaliso lomkhulu kunalengake ngaba nawo! Sitoba nawo, nomakanjani.” Waya ngekucina, esikhundleni sekuya ngekuba butsakatsaka.

¹⁰² Emva kwekwendlula kweminyaka lengemashumi lamabili nesihlanu, manje sewuneminyaka lelikhulu budzala futsi unemashumi layimfica, “Utsini ngako, Sara?”

“Akukho kwehluka.”

“Haleluya! Sitoba nalo, noma kanjani.”

“Kungani wat?”

“Nkulunkulu washo njalo.”

¹⁰³ Manje, ungakucabanga loko ngekuphiliswa kwakho? Ungakukholwa loko ngekuphiliswa kwakho, nsizwa? Ungakwenta, Dzadze? Ungakwenta ngephandle lapho? Akunandzaba kutsi kwentekani, Nkulunkulu washo njalo, loko kuyakucatulula, kukholwe. Loko kukholwa sibili, labo bantfwana ba-Abrahama. Khumbulani, hhayi loko leningiko, loko Langiko; bukani uMhlatjelo wenu, sonkhe sikhatsi.

¹⁰⁴ Manje, kuGenesi 15, ngifisa kwangatsi ngabe besinesikhatsi lesidze, sihlale kuloko, kodvwa asinaso, Genesi we 15, si—sivumelwano saciniswa kuye esahlukweni se 15. Manje, ngaphambi kwekutsi loku kwentiwe, ngaphambi kwekutsi sivumelwano siciniswe, ufanele ungene ekulaleleni ngalokuphelele.

¹⁰⁵ Manje, Abrahama, Nkulunkulu wamtjela kutsi atehlukanise nebantfu bakubo. Futsi, namuhla, esikhundleni sekwehlukana nelive, sitama kungenisa live kitsi, Nkulunkulu ufunu kwehlukana. Libandla, namuhla, uma nivotela umelusi wenu, ni—nifuna impela i, nifuna umhlanganisi. O, wena utsi, “Umelusi wetfu ungumhlanganisi lokahle.” Yebo-ke, akasuye waNkulunkulu ke, Nkulunkulu ufunu behlukanisi. Um-hum. Kunjalo, behlukanisi.

¹⁰⁶ Utsi, “O, ungumhlanganisi lokahle, uyodlala umdlalo lomncane wemakhadi natsi, futsi uyosho emahlaya lambalwa natsi, futsi uto—utokwehlela ehibini futsi abhukushe natsi, futsi atsatse tonkhe tintfombi, nalabadzala, futsi, bese ulala phansi lapho, utfole kushiswa lilanga, futsi—futsi uyati, ungumhlanganisi lokahle.” Ya, ya, udzinga kuguculwa libala yindvodzana.

¹⁰⁷ Nginemantfombatane lamabili, angahle akwente loko, nawo, angati, uma akwenta, impela atotfola kuyobulwa libala. Angati noma kutobe kuvela kulelolanga etulu *lapho* yini, noma kutobe kusuka kuCharles Branham, indvodzana yababe wami, mine, ngeliplango lelincane lekwakha umphongolo ngemandla ami onkhe. Batotfola kuyobulwa libala lokuhle kahle, kutobatsatsa sikhatsi lesidze, batodlela eludzengelweni.

¹⁰⁸ Manje caphelani, ngianitjela, asifuni—asifuni bahlanganisi, sifuna behlukanisi, tehlukanise, tehlukanise nekungakholwa. Loyo logijima naye, futsi utsi, “O, ungalaleli lesosicuku sebagiciki labangewe, akukho lutfo kuko,” tehlukanise nako. Yebo, mnumzane.

¹⁰⁹ Nibelidzili lalabodzadze lekuchibela nekutfunga, niyati, lapho bachibela khona nekutfunga, nekutfunga nekuchibela, futsi bachibebe futsi batfunga, futsi bakhulume ngaNkkt. *S'bani-bani*, futsi batsi lapho, batsi, “Yebo-ke, manje, ngitokutjela, nga—ngake ngakholelwa kuleyontfo yemgiciki longewe, nami, kodvwa...” Tehlukanise naletotintfo.

¹¹⁰ Noma yini lephambene neLivi laNkulunkulu, tehlukanise nayo, angikhatsali kutsi iyini. “Phumanı emkhatsini wabo, ningatsintsi lokungcolile kwabo.” Loko-loko ngulokuhle, umcondvo lobhadile, kukhuluma kwakamoya, kucondza. LiBhayibheli lasho njalo, “Phumanı emkhatsini wabo, ningatsintsi lokungcolile kwabo, futsi Ngitonemukela.” Angeke aletse live, Angeke nje akwente. Cha, mnumzane.

Uma usokiwe, live liyancunywa kuwe, kunjalo, khona-ke uyiNtalo ya-Abrahama.

¹¹¹ Nkulunkulu usicondzile setsembiso saKhe njengoba Enta ku-Abrahama, wamsoka. Futsi leyo yintfo lefanako lokungiyi uma Nkulunkulu akuvuma kukholwa kwakho, khona-ke Ujuba live lisuke kuwe, futsi akunike Moya loNgcwele, futsi uyamkholwa impela Nkulunkulu ke nganoma yini Layishoko, kunjalo. Kute kube nguleso sikhatsi, ungulotisho kutsi unako nje, hhayi kutsi unako.

¹¹² Manje, caphelani kutsi kwentekeni, futsi watsi, “Ngitotati kanjani letintfo leti?” Abrahama watati.

Manje ngifuna nilalelisise impela, bazalwane, umzuzu.

¹¹³ Watsi, “Ngitokutjela kutsi ngitokwenta kanjani.” Manje, sivumelwano sentiwa ngaphandle kwembandzela, kodywa Watsi, “Ngitonikhombisa kutsi Ngitonikucinisa kanjani kini, kunitjela kutsi Ngitokwenta kanjani.”

¹¹⁴ Futsi wahamba watsatsa li—litfokati lelineminyaka lemitsatfu budzala ne—nemu leneminyaka lemitsatfu budzala, nakanjalonjalo, wase utisika emkhatsini, futsi watfola lituba lelincane nelituba lelikhulu, wase-ke uyalindza kwate kwaba mnyama, wagcina tonkhe tinyoni tikhweshile kuto, Nkulunkulu wetsembisa kuLangana naye. Ngako, ngesikhatsi enta, waticosha tonkhe tinyoni, kwaya ngekuba mnyama, manje caphelani kutsi kwentekani, bumnyama lobukhulu bufika etikwa-Abrahama, futsi wehlelwa ngulokufana nebutfongo.

¹¹⁵ Manje, nguloko lokufanele, manje, kusosonkhe sidalwa lesingumuntfu lesitelwe. Manje, bukisisani kutsi Yena, bukisisani sivumelwano saKhe manje, kutsi Wasicinisa kanjani na-Abrahama, loku bekufanele kwente iPresbyterian imemete. Manje, yena... Kwabamnyama, kwase-ke kubamnyama ndzawo tonkhe kuye, futsi wehlela ebutfongweni bekufa, besingasho njalo. Manje, ngulapho wonkhe wesilisa ayokwenta khona, uyofa, wesilisa, wesifazane, umfana, noma umntfwana, kufa kubekwe embikwakho.

¹¹⁶ Kodywa-ke wacaphela ngale kwaloko kwakusithando semlilo leshuncako, lapho sonkhe soni, nawo wonkhe wesilisa, nawo wonkhe wesifazane, umfana noma intfombatane afanele kuya khona, esihogweni. Loko kutsi, loko bekukuwa kwetfu, nguloko Adamu lakuchaneka kitsi, kutsi sifanele kuya esihogweni, ngoba satalelwu esonweni, sabunjelwa ebubini, seta emhlabeni sikhuluma emanga, ngako akukho namunye wetfu lolungile, ngako singeke setsembele kitsi, sinako, setsembele kuYe.

¹¹⁷ Lonelicala kulokuncane unelicala lako konkhe, futsi Ufuna kuphelela. Ngako ungapeleliwa kanjani na? Ungeke watibuka futsi upheleliswe, kodywa ngabuka Loyo lophelele, Loyo lowatsatsa indzawo yami, UngoLophelele.

¹¹⁸ Futsi manje siyacaphela, kwase kutsi ngale kwaloko kwahamba lokuncane, kúKhanya lokumhlophe, futsi bahamba ngco emkhatsini waleyomihlatjelo. Manje, kube besinesikhatsi kukuhiatiya konkhe, kodvwa asinaso, kodvwa ngifuna nicaphele kutsi Bekentani lapho.

¹¹⁹ Manje, *nasi* sicephu lesincane seliphepha, ngifuna kusebentisa loko kwesikhashana. Manje, sentani tsine maMerica uma senta si—sivumelwano, lomunye nalomunye na? Ngalokuvamile siyaphuma, sikuoco nentfo lenjengalena: Besingatsi, futsi bengingatsi, njengeMnaketfu Slater, “Mnaketfu Slater, Ngitokwenta intfo *letsite-tsite*, uma utokwenta intfo letsite.”

“Yebo, yebo.”

“Kulungile. Ngitawubuya evikini lelitako.”

“Ya.”

“Kulungile. Ngabe leso sivumelwano na?”

“Ya.” Khona-ke siyachawulana. “Mbeke *lapha*, mfana.” Leso sivumelwano, senta sivumelwano.

¹²⁰ Manje, eJapani uma benta sivumelwano bayema futsi bakhulumisane, futsi uma benta i, babhala sivumelwano, futsi benta sivumelwano sabo, niyati kutsi bentani na? Baphonsa luswayi kulomunye nalomunye, niyabona, baphonsa luswayi. Luswayi lusinongo, niyabona, uma luchumana. Ngako, baphonsa luswayi kulomunye nalomunye, leso sivumelwano.

¹²¹ Kodvwa ngesikhatsi sa-Abrahama indlela labenta ngayo sivumelwano, bebatatsa siceshana, noma, sicephu se—se—sesikhumba, futsi babhala lesivumelwano lesi, basibhala, kutsi bebatokwentani, leso sivumelwano sabo. Bese-ke babulala silwane, lokwaba ngumhlatjelo, babulala silwane, bese bema emkhatsini waletincetu leti letimbili. Futsi kulesivumelwano lesi batsatsa sifungo, bese-ke badzabula *luku* bakwehlukanise, lomunye atsatse lucetu lunye nalomunye lololunye; ungeke waluphindza kibili. Futsi uma lesosivumelwano, uma siciinisekiswa, noma, sihlanganiswa ndzawonye futsi, sicephu ngasinye salelophepha sifanele sihlangane njengesisila selituba ngalokuphelele, lomunye abambe sicephu sinye, nalomunye abambe lesinye.

¹²² Manje, bekatsini Nkulunkulu na? Kutsi ngeNtalo ya-Abrahama, lefika nga-Isaka, nga-Isaka kufika Jesu, futsi manje, eKhalvari, ngesikhatsi Alapha emhabeni, Bekangu-Emanuweli, Nkulunkulu unatsi, kodvwa eKhalvari, Nkulunkulu waMdzabula wamehlukanisa ekhatsi, WaMdzabula wamehlukanisa ekhatsi, futsi Wavusa umtimba, futsi wawubeka ngesekudla saKhe luCobo, wase utfumela uMoya lowawusemtimbeni, wabuyela phansi etikweliBandla kuchuba

imisebenti loWayenta ekhatsi lapho, naso sivumelwano sicinisekiswa.

¹²³ Ngako liBandla leliyoba nguMlobokati waJesu Khristu liyobhabhatiselwa kulowoMoya lofanako, nesibonakaliso lesifanako, timanga letifanako, Moya loyiNgcwele lofanako lowawu setikwaKhe uyoba seBandleni, kutofanele kufane impela. Ngako ngesikhatsi lowoMoya wehla, Wehla ePhentekhosti, emakholweni lalikhulu nemashumi lamabili, futsi Wababhabhatiselwa eMtimbeni waKhristu. NaMoya loyiNgcwele lofanako lobewusetikwaKhristu, bewusetikweliBandla, Wachubeka, “Kusesikhashana nje live lisaNgibona, noko nine nitawungibona, ngoba Ngitawuba nani ngibe ngisho nakini. Lemisebenti lengiyentako Mine, nani nitoyenta, leminengi kunalena nitoyenta, Ngiya kuBabe waMi.”

¹²⁴ Niyabona, uMoya lofanako utjela iNtalo ya-Abrahama, kutsi ngentalo ya-Abrahama kuta Khristu, kutsi BekatoMdzbabula abe ticucu, futsi abeke uMoya waNkulunkulu etikweliBandla laKhe, bese utsatsa uMhlatjelo aye eKhaya naYe. Amen! Mnaketfu, loko kwenta develi ahambe, loko kutombeka endzaweni yakhe.

¹²⁵ Futsi batsi, “O, nisicuku sebagiciki labangewe, anisiko *loku*. Ne—nente *loku*.” Angikhatsali kutsi nenteni, ngemusa, ngesetsembiso saNkulunkulu, ngaMoya loNgcwele, hhayi loko longiko, kunguloko uMhlatjelo wakho longiko.

¹²⁶ “Akekho umuntfu longeta kiMi uma Babe waMi angakamdvonsi. Bonkhe Babe laNgiphe bona batokuta kiMi.” Nesaba ini? Nesaba ini?

Wena utsi, “Yebo-ke, mhlawumbe angisilo nje luhlobo lolufanele lwemKhristu.”

¹²⁷ Ungeta kanjani kuNkulunkulu ngaphandle kwekutsi Nkulunkulu akubite kucala na? “Futsi bonkhe labo Labati ngaphambili, Ubabitile.” Ngabe kunjalo na? “Bonkhe Lababitile, Ubalungisisile.” Ngabe kunjalo na? “Bonkhe labo Labalungisisile, seWu,” sewuvele, sikhatsi lesendlulile, “ubakhatimulisile.” Amen. Ngumsebenti lose ucedziwe kusukela ekusekelweni kwemhlabo. MaKhristu, aniboni kutsi niphila ngaphansi kwenhlanhla yenu na? Anati kutsi nibobani.

¹²⁸ Bengihlale ngisho kutsi ngitfolo emaklassi lamabili ebantfu: Lelinye labo yiPhentekhostali, nalelinye ngulemtsetfo. Locavile ngekwendzawo uyati lapho eme khona, kodvwa akanako kukholwa; iPhentekhosti inekukholwa, futsi ayimati kutsi ungubani.

¹²⁹ Kufana nje nendvodza lenemali ebhange, ingakwati kubhala lisheke; lolomunye angalibhala lisheke, epha abe ete imali ebhange. Uma ungake ubahlanganise ndzawonye! Uma ngingake ngitfolo emaPhentekhostali kutsi acondze kutsi angemadvodzana nemadvodzakati aNkulunkulu, netindllalifa ta-Abrahama, khona-ke akukho develi, noma lutfo

lolungabamba bantfu baKhe. Nkulunkulu wakwetsembisa. Uma Angesuye Nkulunkulu, sukan kuko, uma AnguNkulunkulu hlalani nako. Amen. Wasicinisa sivumelwano.

¹³⁰ Ngale kuGenesisi 17 Wacinisa Abrahama entela ummangaliso. Nguloko Lakwentako manje, ucinisa liBandla ngemmangaliso. Wabonakala kuye kuGenesisi 17 eGameni la *El Shaddai*. Kuchaza kutsi, lapho kutsi, "Nkulunkulu Somandla," ligama lesiHebheru ngu *El Shaddai*, "Lonemandla," noma *Shad* kusho, "libele," njengelibele lewesifazane. Kodvwa hhayi nje *Shad*, *Shaddai*, kuchaza, "lonemabele."

¹³¹ Abrahama bekaneminyaka lelikhulu budzala, emashumi layimfica nemfica, naNkulunkulu wabonakala kuye, Watsi, "Manje, Abrahama, Ngente sivumelwano ngalo kungenambandezela, ngesikhatsi utehlukanisa, Ngakubusisa, Ngakukhombisa leBengitokwenta. Manje sewuneminyaka lelikhulu budzala, umkakho uneminyaka lengemashumi layimfica budzala, manje Ngitokutjela, nali liGama laMi kuwe: NginguNkulunkulu lonemabele." O, hhe! Emabele lamabili, Yalinyatwa ngenga yetiphambeko tetfu, ngemivimba yaYo siphilisiwe tsine.

¹³² Njengeluswane loluncane lolugulako, ku—ku—ku—kuphila kwalo sekuhambile, luntjilantjila futsi lukhala, nalomake utsatsa loluswane loluncane, bese ulukhuphulela esifubeni sakhe, alubambe etulu lapho, naloluswane loluncane lumunya kumake walo kutfola emandla kuye. Nguloko longiko lapha, uhleti esitulweni, make; nguloko longiko, nsizwa, uhleti esitulweni semasondvo; nguloko longiko ngephandle lapho unemdlavuza, ngesikhatsi bodokotela sebakudzelile; nguloko longiko ngenkhatsato yenhlitiyo, nomangabe kuyini, niyabona, uyiNtalo ya-Abrahama, futsi Ungo-*El Shaddai*.

¹³³ O, uma unesidzingo setono takho, ncika etikwa lesetsembiso lesi, munya emandla akho ensindzisweni. Uma uhlubukile, buya, bamba lesetsembiso, futsi usimunye ute utive ukhula ucine kakhulu. Uma udzinga kuphiliswa kwemtimba wakho, Beka...ngemivimba yaKhe siphilisiwe tsine. Munya lelobele la-*El Shaddai*, lesosetsembiso, aze emandla akho acale kakhula, ucalu kutivela kutsi u...

¹³⁴ Futsi akusiko loko kuphela, kodvwa ngumenelisi, libele lewesifazane ngumenelisi weluswane lwakhe, nesifuba lesetsenjisiwe saNkulunkulu ngumenelisi ekholweni. Kuphela nje uma Nkulunkulu asho njalo, kwenta mehluko muni? Ngumenelisi, umniketi-mandla. O, hhe!

¹³⁵ Akusiko loko kuphela, kwenetisa loluswane, aluntjilantjili futsi lube luchubeka, alikacini ngako konkhe, kodvwa lenelisekile kuphela nje uma linelibele lenina (O, mnaketfu!), amunya emandla enina, hhayi emandla eluswane, emandla enina. "Hhayi intsandvo yami, intsandvo yaKho. Hhayi loko

lengikucabangako, loko Lokushito.” Amen. Loko kuyakwenta. Kweyenetisa, kwenetiseka, eyeme esifubeni, amunya.

¹³⁶ Abrahama wancika kuleso sifuba ngco iminyaka lengemashumi lamabili nesihlanu, akazange asikhulule. Amen. Make angalugcina kanjani luswane lwakhe—Make angalugcina kanjani luswane lwakhe Iwenelisekile na uma luyekela li—li—libele lakhe ngasosonkhe sikhatsi, lumunyela kutfola emandla alo? Loluswane lungake lusindze kanjani futsi lucine, kuphela nje uma lutama, Iwenta kwangatsi lutomunya, bese-ke luyesuka luyahamba, lungeke . . . lumphindze lulwale, nhlobo? Nguloko-ke.

¹³⁷ O, mnaketfu, awuboni yini kutsi u—umlayeto lonje pho lowawungwi endvodzeni leneminyaka lelikhulu budzala, ikholwa kuNkulunkulu? Manje—manje, liBhayibheli latsi wakhe—wakhe, bekasafana nalofile njengemuntfu, nesibeletfo saSara sasifile, ngako setsembiso lesinje pho kutsi, “Abrahama, emandla akho njengemuntfu, afile, nesibeletfo saSara sifile, futsi sewumdzala, kodvwa Mine ngiNgulocinile, NgiliBele. Awukehlukani neluswane, kodvwa NgiNgulonemabele, Nginiketa setsembiso, Ngingakucinisa futsi.” Amen. O!

“Utokwentanjani Wena?”

“Balungiselele ummangaliso lolungiselela kwenteka.”

¹³⁸ Manje, ngifuna kuya ngale kuGenesisi sahluko se 18 futsi ngikhombise kutsi Wenteni. “NginguLonemabele.” Sahluko se 18, sahluko lesilandzelako, khumbulani bekahleti ngephandle embikwemnyango welithende lakhe, bekaneminyaka lelikhulu budzala ngalesosikhatsi, Sara bekanemashumi layimfica.

¹³⁹ Manje, ngesikhatsi asehleti ngephandle ekushiseni kwelusuku cishe ngensimbi yelishumi nakunye enhloko, noma lishumi nakubili, tintfo betihamba kabi, bekatotsatsa indlela nalabayingcosana labadzelelekile beNkhosi, mhlawumbe bebangenayo ngisho nemishini, kungasaphatfwa ke libandla lelinesishayisa-moya. Kodvwa bebahleti ngephandle ngaphansi kwesihlahla sabo, hhayi ngoba bekafanale, kodvwa ngoba bekafuna, bekangu-Abrahama, bekangumntfwana waNkulunkulu, watehlukanisa netintfo telive, futsi bekaphilela Nkulunkulu. (Ningakukhohlwa loko, Davide.) Caphelani . . . Ningahle ningakucondzi loko, kodvwa lowo lengikhulume naye wakucondza.

¹⁴⁰ Bahleti ngephandle ngaphansi kwesihlahla, futsi babona emadvodza lamatsatfu eta nelutfuli etimpahhleni tawo. Futsi caphelani kutsi bentani, sikhulumile ngako ngalolobunye busuku, bebatinGelosi letintsatfu, tiNgelosi letimbili naNkulunkulu cobo lwaKhe, futsi beba sendleleni leya eSodoma, ebandleni, libandla lelihlelo entasi lapho, entasi encushuncushwini, losivuvu, lohlubukile, lofanele kuba nguye, waphambukela etintfweni telive, behlela lapho nelize, ngako bebatobhubha nelize.

¹⁴¹ Nguleyondlela libandla lelitokwenta ngayo namuhla, live lelisebandleni litobhubha kanye neline. Labo labaphila esonweni bayobhubha neson, labo labaphila kuNkulunkulu bayovuka naNkulunkulu. [Akucoshwanga etheyiphini—Umhl.]

¹⁴² Manje, letiNgelosi leti tihleti lapho, manje, Yatsi, “Abrahama, Ngitakulungiselela lokutsite.” Manje, Watfumela lamanye emadvodza lamabili, futsi ehlela eSodoma kuyoshumayela Livi, njengoba nje umshumayeli wesimanje bekangenta. Futsi, kodvwa Lona lowasala ngemuva, ngifuna nibukisise sento saKhe. Watsi ku-Abrahama, Watsi, “Abrahama, uphi umkakho, Sara?”

Watsi, “Usehendeni emvakwaKho.”

¹⁴³ Futsi watsi, “Ngitokuvakashela ngekwesikhatsi sekuphila, Ngitokuvakashela futsi ngikunike lowomntfwana manje.” Manje, Watibitelani Yena lucobo ngekutsi, “Mine nginguloYo lowakwentela setsembiso, NginguYe”? Bewungakungabata kanjani kutsi nguNkulunkulu? “Ngikwentele setsembiso. Ngitokwenta kuvakasha. Ngitoba nguYe loniketa lomntfwana.” Ngi, sabito, sabito selucobo, Ngi. “NginguYe lowakusho. Ngitokuvakashela, ngekwesikhatsi sekuphila.”

¹⁴⁴ Futsi nguloko lokwenta Sara ahleke, watsi, “Mine ngineminyaka lelikhulu budzala, nenkhosi yami seyigugile, kungenteka kanjani?” Manje caphelani, ngifuna kunitjela kutsi Wenteni kubo. O, Wabalungiselela kanjani pho! Wenta kulungiselela sibili. Ngako caphelani, Sara wahleka.

¹⁴⁵ NaleNgelosi, Ifulatsele lithende, yatsi, “Uhlekeleni Sara?” NaSara waphuma wase utsi akaze ahleke. NaleNgelosi yamtjela kutsi utsiteni, kutsi akazange atsini, kodvwa loko lebekakucabanga engcondvweni yakhe. Bekentani? Bekalungiselela Abrahama kutsi akholwe, kutsi akholwe nguYe kutsi emukele indvodzana yakhe letsenjisiwe.

¹⁴⁶ Wenteni Nkulunkulu? Wakubitela ePhentekhosti ngemusa waKhe, Wacinisa sivumelwano kuwe ngekukunika kusokwa, ngaphandle kwembandezela. Futsi manje Wentani? Utikhombisa Yena lucobo, Nkulunkulu lofanako kuwe (Niyakubona na?), yena Loyo ngekwati imicabango yenhltiyo yakho, akulungiselela iNdvodzana yaKhe letsenjisiwe letako, Khristu uMsindzisi wetfu. Ukulungiselela iNdvodzana letsenjisiwe.

¹⁴⁷ Bekalungiselela Abrahama ngendvodzana letsenjisiwe; manje Ulungiselela iNtalo ya-Abrahama ngeNdvodzana letsenjisiwe lesiyilindzele. O, ngeke kwaba yinkhatimulo yini kuMbona?

¹⁴⁸ Wentani? Niyakhimbula, kwaba ngumasinyane emvakwaloko, masinyane nje emvakwaloko kuvakashelwa kutsi indvodzana yefika, iSodoma yashiswa. Ngabe kunjalo, bafundzi beliBhayibheli na? Kunjalo. Indvodzana yefika Abrahama lebekayilindzele, setsembiso.

¹⁴⁹ LiBandla manje, iNtalo ya-Abrahama, inako, ilindzele kuBuya kweNdvodzana yaNkulunkulu. Futsi manje, Yenteni na? Ukuletse kwendlula kuto tonkhe letotincenyenje, njengoba nje Enta ku-Abrahama ngekuciniswa kwesivumelwano, aniphe Moya loNgewe, kukhuluma ngetilimi njengoba uMoya uniketa kuphumisela, tonkhe letintfo leti letehlukene njengoba Etsembisa, futsi manje wanikhuphula ngco futsi watfumela uMoya waKhe emkhatsini wenu, akunika kubona lokufihlakele kwebuNkulunkulu, ngaphambili nje, kukulungiselela iNdvodzana letako. Amen. Sibonakaliso sekugcina liBandla lelitosemukela.

¹⁵⁰ Bengikhuluma neMnaketfu Shakarian manje ekuseni, ungishayele lucingo, bekasanza kuba seWashington, kutsi wonkhe umuntfu ucaphelle kanjani lena, abati kutsi batokwentanjani, nje—nje noma ngamuphi umzuzu indvodza imile kufacata intfo letotfumela umhlaba eliPhakadzeni, yonkhe—yonkhe i-oksijini, i-hayidrojini iyokwehlukana ekhatsi, tilwandle tiyokoma, yonkhe lenye intfo, akuyubakhona lutfo ngaphandle kwemalahle etinkhuni lasele emhlabeni, kodywa ngaphambi kwekutsi loko kwenteke, liBandla liya eKhaya.

¹⁵¹ Ngaphambi kwekutsi kwehle ngisho nalinye licashata lemvla, Nowa bekasemkhunjini; Loti bekangephandle kweSodoma ngaphambi kwekutsi Ashise lelidolobha, liBandla liyoba seNkhatimulweni uma leyobhomu ikhululwa. Futsi uma ingakhululwa ngaphambi kwekutsi lilanga lishone, kusihlw, kusondzele kangakanani kuBuya kweNdvodzana na? Ngiyetsamba niyacondza, akusuye umuntfu, nguNkulunkulu emkhatsini wetfu.

¹⁵² Njengoba Enta etinsukwini taseSodoma, kuyoba njalo ekubuyeni kweNdvodzana yeMuntfu. Akakaze akwente kubeTive phambilini kuto tonkhe timphilo tetfu, umlandvo webeTive awukaze ukubone. Hlolani tincwadzi nabosomlandvo futsi nitfole, akukaze. Loku kuKhanya bekusihlw, kuKhanya lokufanako lokwakhanya ekuseni, sikhatsi sakusihlw, futsi Ulungiselela liBandla leNdvodzana yaNkulunkulu letako.

¹⁵³ Manje, caphelani futsi, kwenta loko Wadzingeka amnike emandla lamakhulu ngaphambi kwekutsi emukele lendvodzana. Manje, nitodzingeka ningikholve kuloku, noma, uma nifuna. Ngitobeka eceleni umzuzwana nje.

¹⁵⁴ LiBhayibheli liyiNcwadzi yelutsandvo. Niyati, wesifazane lonemoya lomuhule kunabo bonkhe emhlabeni wonkhe kimi nguNkkt. Branham, us'thandwa sami, ngiyamtsandza, ngimtsandza nje impela. Manje, akukho kugcina umtsetfo emkhatsini wetfu, ngekwelucobo sikholelw kuko, si—sikholelw emseni, sikholelw elutsandvweni.

¹⁵⁵ Manje, uma sengilungela kuya ngesheya kwetilwandle, angifinyeleli ngale bese ngiyamtfola, bese ngitsi, "Hhe, Nkkt.

Branham lotsandzekako, ungabe usaphindze ube nemadvodza, ungabuki emehlo kunoma nguyiphi lenye indvodza.”

¹⁵⁶ Akangibambi ngakhololo, bese utsi, “Futsi, Mnaketfu Branham lotsandzekako, awuyuba nalabanye bafati.” Bekungeke yini loko kube likhaya na? Nguleyondlela lotama kwenta ngayo libandla. Cha, asikwenti. Ngiyamtsandza, kuphela nje uma ngimtsandza, ngitohlala ngekwetsembeka kuye; kuphela nje uma angitsandza, kuyoba yindlela lefanako, asinako kukhatsateka ngaloko, cha.

¹⁵⁷ Khona-ke siguca phansi, siyakhuleka, ucela Nkulunkulu kutsi angisite. Uhlala ekhaya kutsi anakekele bantfwana, ngiyaphuma ngiyosebentela iNkhosi. Angikaze ngibe sekhaya kodvwa kancanyana nje eminyakeni lelishumi nesihlanu. Sewugucuke wabamhlophe njengelichwa, ahlala nje, wesifazane losemusha, ahlala ekhaya, ahlangana nesive, atama kwenta incenyen yakhe. Wesifazane lotsandzekako sibili ungumkami.

¹⁵⁸ Kodvwa manje, ake sitsi sibonelo nje, kube-ke bengingesheya kwetilwandle futsi ngaba nesitunge sibili, nalomunye wesifazane losemusha atsi, “Mnaketfu Branham, ufuna kungikhipa ngigibebe kusihlwa, emvakwenkonzo na?”

¹⁵⁹ Bengiyotsi, “Nginesitunge kabi, ngikholwa kutsi ngitokwenta.” Yebo-ke, khona-ke ngesikhatsi ngiya ekhaya, ngangidzingeka ngimtjele. Manje, ngikholwa kutsi bekanga ngitsetselela ngaloko, ngiyakholwa, ngikholwa kutsi bekanga ngitsetselela ngako. Kodvwa, mnaketfu, bengitofela emkhondvweni wami ngaphambi kwekutsi ngikwente. Kungani na? Ngimtsandza kakhulu, ngi—ngiyamtsandza. O, bekungangibulala! Bengingeke ngibhekane naye kuko. Futsi uma ngimtsandza umkami kanjalo, kutsiwani-ke ngeNkhosi yami? Pawula watsi, “Tonkhe tintfo tisemtsetfweni, atisiti tonkhe.” Niyabona na?

¹⁶⁰ Ungibhalela incwadzi, “Billy lotsandzekako, nighleti lapha, kusihlwa, ngisandza kulalisa bantfwana nje. Ngiwashile namuhla, ngente *kutsi-nekutsi*. Lucingo lukhale ngetulu kwemakhulu lamatsatfu, bantfu babuta kutsi ukuphi. Ngicabanga kakhulu ngawe.” Nguloko lakubhalako, kodvwa, niyati, ngingayifundza ivaliwe ngo futsi ngati kutsi uchaza kutsini, ngoba ngiyamtsandza.

¹⁶¹ Nguleyondlela loyati ngayo leNewadzi yelutsandvo yaNkulunkulu. Sizatfu kulukhuni kakhulu kubantfu, awukho elutsandvweni naKhristu. Wena utsi I—Iyatiphikisa Yona nako konkhe *luku*, awukho elutsandvweni nje neMcambi, nguloko kuphela. YiNewadzi yelutsandvo.

¹⁶² Bukisisani kutsi Wenteni ku-Abrahama, futsi wakwetsembisa eNtalweni yakhe, ngaphambi nje kwekuifika kwendvodzana, intfo lelandzelako letokwenteka. Niyati kutsi

Wenteni ku-Abrahama naSara na? Wababuyisela ekubeni yinsizwa nentfombi.

¹⁶³ O, wena utsi, “Manje, Mnaketfu Branham, loko kuyahlekisa.” Kulungile, sitotfola.

¹⁶⁴ Manje, niyacaphela kutsi masinyane emvakwekuba iNgelosi ihlangene naye, yahlangana nabo lapho, batsatsa luhambo loludze, cishe emamayela langemakhulu lamatsatfu, behlela eGerari. Labo bantfu labadzala impela kutsi bahambe emamayela langemakhulu lamatsatfu, bewungeke ucabange kanjalo na?

¹⁶⁵ Futsi caphelani, manje Sara bekaneminyaka lengemashumi layimfica budzala, gogo lomncane, afake likepisi lelincanyana, litjalo lelincane emahlombe akhe, aneludvondvolo esandleni sakhe; nangu Abrahama, lomkhulukati, emadzevu lamadze alengela phansi, agobile emahlombe akhe, ahamba kanjena.

¹⁶⁶ O, wena utsi, “Manje, awume kancane, Mnaketfu Branham. Bebaphila...” O, cha, cha, cha, cha. LiBhayibheli latsi bese bagugile, bobabili.

¹⁶⁷ Futsi behlela eGerari. Manje, ngifuna kunikhombisa kutsi kungaba buwula kanjani kukukholwa ngendlela bantfu labakukholwa ngayo. Futsi ngesikhatsi behlela lapho, Abimeleki bekayinkhosи entasi lapho eveni lemaFilisti, futsi bekafuna s'thandwa senhlitiyo futsi onkhe lawomantfombatane lamahle, emaFilisti, kodvwa ngesikhatsi sekabone gogo eta, watsi, “Ngulowo lebengimlindzele, nguye loyo, ngimtsandzile.”

¹⁶⁸ Manje, kuphike. Watsandzana naSara futsi (Ngabe kunjalo na?), futsi bekafuna kumtsatsa abe ngumkakhe, gogo, loneminyaka lelikhulu budzala. Cha, cha, mnaketfu, cha, bekungesiko loko, bekanguwesifazane losemusha lomuhle. Wamgucula waba nguwesifazane losemusha, Abrahama waba yinsizwa.

¹⁶⁹ Emvakwekuba ba—emvakwekuba sebabone lesibonakaliso lesi lesikhulu, kwentekani ke? Sengiyambona Abrahama atsi, “Sara, S'thandwa, loko kushwabana kuyashabalala ngaphansi kwemehlo akho lamahle.” Abrahama utsi...

¹⁷⁰ Uyaphendvula, “Abrahama, emadzevu akho—akho sekagucuka aba mnyama futsi, nemahlombe akho ayacondzana.” Niyabona kutsi bekuyini? Bebabuyela emuva babebasha.

¹⁷¹ Manje, ngifuna kunibuta lokutsite, uma bekangatali, sibeletfo sakhe... Manje, khumbulani, besifazane bebangabhemи bosikilidi ngaletotinsuku, njengoba benta namuhla. Ngako namuhla, uma wesifazane abhema bosikilidi, tibalo tiyakhombisa kutsi umntfwanakhe uyafa, emaphesenti langemashumi lasiphohlongo abo emkhatsini wetinyanga letilishumi nesiphohlongo baguliswa yi-nikhothini, bafanele

babakhulise ngelibhodlela lelinelubisi lwenkhomo, batsatsa i-nikhothini. Futsi uma benta, baba nguloguliswa yimizwa njengaRicky na-Elvis, nangaphandle lapha, niyati, bagijima behla benyuka, baguliswa yimizwa nje. Nguleyondlela impela labente ngayo. Umntfwanakho wetsiwe ngaloko, ntjintja ligama lakhe. Niyabona na? Manje, ngekukhuluma kwakamoya, kusho “Judasi.”

¹⁷² Ngako manje, caphelani, ngesikhatsi angephandle lapha, futsi nabo lapho, emahlombe lagobile. Nkulunkulu bekente... Manje, bukani, uma, ngaphambi kwekutsi a...bekangaba naloluswane... Ake ngnibute lokutsite. Ngaphambi kwekutsi abe naloluswane, Nkulunkulu wadzingeka ente sibeletfo sakhe sitale. Ngabe kunjalo na? Futsi Bekafanele ente intfo lefanako ku-Abrahama.

¹⁷³ Ngaphambi kwekutsi batfole loluswane, bebete emabhadolela lahlantekile, ngako yena, bona, leyomitsambo, imitsambo yelubisi, yase inciphile, Bekayofanele ente imitsambo yelubisi lemisha, niyati kutsi ngikhuluma ngani. Futsi ngaphambi kwekutsi Ente loko, bekangawkwenta kanjani wesifazane, ningitsetselele, bodzadze, ngifanele ngente sitatimende lapha, bekangawkwenta kanjani wesifazane loneminyaka lelikhulu budzala kutsi ahelwe analyeo nhlitiyo na? Bekangafa enhlitiywani. Wesifazane loneminyaka lelikhulu budzala, loneminyaka lengemashumi lamane budzala, cishe impela, aya ekuhelwani, kutsi uyafa, newesifazane loneminyaka lelikhulu budzala, Nkulunkulu utofanele amnike inhlitiyo lensha. Akazange ampheshe, Wavele wamenta waba musha. Amen. O, haleluya! Niyabona na?

¹⁷⁴ Abimeleki wamtsandza, futsi ngabe wamshada. O, sengiyambona ageza, futsi wakhipha tinyawo takhe, emvakwekuba sekashito imikhuleko yakhe, futsi waya embhedzeni, watsi, “Leyontfombatane lenhle lengumHebheru, ngitoyishada, kusasa, ngoba loyo ngumnakabo ngephandle lapho, ngoba ushito njalo.”

¹⁷⁵ Futsi Nkulunkulu watsi, “Ufana nje nemuntfu lofile.” Niyabona na? “Ufana nje nemuntfu lofile.” Watsi, “Lowo ngumfati walendvodza, futsi angeke ngiyive nhlobo imikhuleko yakho.”

Watsi, “Uyabati bucotfo benhlitiyo yami, ngiyindvodza yebungcwele.” Watsi, “Uyabati bucotfo benhlitiyo yami.”

¹⁷⁶ Watsi, “Ngiyakwati, kodvwa umyen i wakhe ungumprofethi waMi. Manje, hamba umbuyisele umkakhe, futsi umvumele akukhulekele, ngitomuva, kodvwa angeke ngikuve.” O, mnaketfu! Kubusa kwaNkulunkulu lokunje pho! Kutsi U... Uyabati baKhe luCobo.

¹⁷⁷ INTalo ya-Abrahama. Niyati kutsi ngikhuluma ngani na? LiBandla, Nkulunkulu. Tita kuphi tiphiwo? EBandleni leNtalo

ya-Abrahama. Kubukeni namuhla, kukuphi? Tippi letiphiwo leti tekukhuluma ngetilimi, nato tonkhe leti letinye tiphiwo? Tikuphi? Emkhatsini weNtalo ya-Abrahama. Niyabona na? Kunjalo. Wakucondza.

¹⁷⁸ O, wena utsi, “Bente tintfo letinengi letimbi.” Wentanjalo na-Abrahama, wabita umkakhe ngadzadzewabo. Indvodza kutsi yente loko! Niyabona na? Ya. Intfo le, akunandzaba kutsi benteni, abatibuki bona, babuka uMhlatjelo wabo. Niyabona na? Impela.

¹⁷⁹ Manje caphelani, masinyane emvakwaloko lomfanyana watalwa. Nkulunkulu bekakhombisa ini? Sibonakaliso saKhe sekutsi indvodzana yayita. Manje-ke bekuyini intfo lelandzelako Layenta? Wabafaka esimeni sekwemukela indvodzana.

¹⁸⁰ “Tsine lesisekhona sisasele kute kube sekuBuyeni kweNkhosi asiyubavimbela labo labalele. Ngoba licilongo liyokhala nalabafile kuKhristu bayovuka. Siyoguculwa ngesikhashanyana, ngekucwabita kweliso, futsi sihlwitfwе ndzawonye kuhlangabeta iNkhosi emoyeni, futsi sibe neNkhosi ingunaphakadze,” leyoNdvodzana lenkhulu letako.

¹⁸¹ NiyaMbona alungiselela liBandla laKhe? Wentani? Ubakhombisa sibonakaliso saKhe sekugcina. Intfo lelandzelako yini? LuHlwitfo, luHlwitfo! INdvodzana nayibonakala bese siyaguculwa, singeke sikhone kuMtsatsa simyise emoyeni, Uphakeme kakhulu kitsi, kodvwa siyoguculwa njengoba Abrahama, babe, bekanjalo, ngesikhashanyana ngekucwabita kweliso, futsi sihlwitfwе ndzawonye kutsi siMhlangabete emoyeni. Loku lokufako kuyokwembatsa kungafi, lokubolako kuyokwembatsa kungaboli. O Nkulunkulu, li-awa lelinje pho embikwetfu! Ifanele ijabule kanjani iNtalo ya-Abrahama!

O, sifinyelela kuphi lesosikhatsi na? Futsi ngisengakacali noko, nginaleminye imiBhalo lesiphohlongo noma lelishumi lapha lengitotsatsisela kuyo, kodvwa sitodzingeka sikuyekele kanjalo.

¹⁸² Khumbulani, niyakulandzela manje? Niyabona kutsi Nkulunkulu watenta kanjani letotivumelwano, letotetsembiso, naletotibonakaliso eNtalweni ya-Abrahama na? Manje, saya kuphi lesosiphwi sekuhlolola lokufihlakele na? Ngabe sehlela eSodoma? Cha, mnumzane. Emkhatsini wemabandla emahlelo? Cha, mnumzane. Sita eBandleni lelikhetsiwe. Beba neLivangeli lishunyayelwa, tiNgelosi letimbili tehlela lapho futsi tashumayela. Kodvwa Lona lowahlala ngemuva kula baKhetsiwe, liBandla lelibitelwe ngephandle, atsatsa labambalwa lalabadzelelekile beNkhosi. NaJesu, cobo lwaKhe, iNdvodzana yaNkulunkulu watsi, “Njengoba kwakunjalo etinsukwini taseSodoma, kuyoba njalo ekubuyeni kweNdvodzana yemunntfu.”

¹⁸³ Niyangiva? Tsanini, “Amen.” [Libandla litsi, “Amen.”—Umhl.] Niyakukholwa? Tsanini, “Amen.” [“Amen.”] Yini intfo lelandzelako lesiyifunako? LuHlwitfo, kuhamba siyoMhlangabeta, iNdvodzana letako. Sitodzingeka siguculwe futsi sihlwifwe, ungeke uhlwifwe ngalendlela longiyo manje, usindza kakhulu. O, kodvwa, mnaketfu, ngalelinye lilanga loku lokufako kuyotsatsa kungafi, futsi siyoba nemtimba lonjengemtimba waKhe luCobo lokhatimulisiwe, ngoba siyoMbona njengoba Anjalo.

¹⁸⁴ O, wena Ntalo ya-Abrahama, bambelela esetsembisweni sakho, S'thandwa. Hlala naso, ungaavumeli muntfu akugebenge kuloko. Uma uzulazule waphuma wangena eveni, nani nine besifazane senitiphatsise kwelive, nani nine besilisa nifanele nibavumele bakwente, lihlazo kini! Ufanele ube ngubasi wendlu, ungumbusi, liBhayibheli latsi umntfu uyobusa, hhayi ndlovu kayiphikiswa manje, limethi laphansi, Wamentela umsiti, niyabona, sithandwa.

¹⁸⁵ Nekutsi kanjani, letintfo leti, ungakwenta kanjani? Buya, ungeke na? Ungeke wangetsembisa, namuhla, kutsi utobuyela kuNkulunkulu na? Ngifanele nigliangane nawe ngalesinye sikhatsi, ngifanele niglihlale lapho. Ngiyetsema kutsi Utongivumela ngalolosuku, ngi—ngitama kuMkhonta ngayo yonkhe inhlitiyo yami.

¹⁸⁶ Angifuni kunilimata. Yebo-ke, umnikelo wenu leniwuniketako namuhla, utosita wondle bantfwana bami, utongentela tintfo. Ngingakulimata kanjani na? Ngi—ngingaba ngumzenzisi lophansi kakhulu kwenta loko. Kodvwa vanini kwami—vanini kushumayela kwami—kwami lenginitjela ngako, niyabona. Vanini Livi leNkhosi. Buyela kuNkulunkulu ngalokukhulu kushesha, S'thandwa, gjima ubuyelevemuva ngalokukhulu kushesha, utsi, “Nkhosi, ngi—ngi—ngi—ngizulazule khashane naWe, ngita ekhaya manje, Nkhosi. Ngi—ngitokuyekela konkhe kuhambe, ngi—ngifuna kuba yindvodzakati yeNkhosi; Ngifuna kuba yindvodzana yeNkhosi, ngifuna kuma ngilungile. Angikhatsali kutsi bonkhe labanye batsini. Ngi...”

¹⁸⁷ Ludzaba lwemuntfu ngamunye, Angeke atsatse, Angeke nje atsatse iFoursquare kuphela, noma Angeke nje atsatse i-Assemblies kuphela, noma Bakamunye kuphela, Bakambili, noma Bakamtsatfu, noma i, kanjalonjalo, Utokhipha labetsembekile enhlitiyweni kubo bonkhe. Niyabona na? Ngako ngekutsi akusilo libandla lakho, noma inhlangano, ludzaba lwemuntfu ngamunye, ngako funa Nkulunkulu, buyela kuYe. Yebo.

¹⁸⁸ Utosabalalisa kuKhanya kulabanye babo, mhlawumbe batotsatsa umcondvo wekukwenta. Sabalalisa kuKhanya kwakho, nguloko lesifanele sikhente. Awufuni balahleke, uma

ufuna, kukhona lokungalungi enhlitiyweni yakho. Jesu wafa kute tsine, sitsa saKhe, sisindziswe, impela.

¹⁸⁹ Manje, sengivala manje, ngaphambi kwekutsi si...Bukan, masinyane emvakwekuba lowomfana lomncane sekaneminyaka lelishumi nakubili budzala...Manje, si—sitovala futsi sicale lilayini lalabakhulekelwako, lalelani loku nje manje, nicaphelisise impela. Ngesikhatsi loyomfana lomncane sekabe cishe neminyaka lelishumi nakubili budzala, Nkulunkulu watsi, "Ngitobakhombisa entasi eVisalia, kutsi Ngisigcina sibili setsembiso saMi, ngoba Ngafunga kutsi Ngitosigcina ngaMi lucobo." Wafunga kuko, hhayi ku, Abrahama kuphela, kodvwa eNtalwени ya-Abrahama emvakwakhe, Wafunga ku, ngawe, ngalokufanako nje njengoba Enta nga-Abrahama, akhombisa sivumelwano, sina-Abrahama neNtalo yakhe.

¹⁹⁰ Watsi, "Ngitobakhombisa kutsi ngifuna bagcine Livi laMi. Ngalelinye lilanga ngiyoba nenceku lebitwa ngaWilliam Branham, utobe ashumayela entasi lapho, futsi utoba nesicuku sebafo labagulako embikwakhe, futsi ngi...utoba khona ngco esikhatsini sekugcina, ngako ngitobe ngenta lolohlobo lwetibonakaliso, ngako ngifuna kubakhombisa kutsi babambelele eVini, ngoba kube Bekungesilo Livi, bengingeke ngiLicinise. Kodvwa sengivele ngibaphilisile, futsi bafanele bente lokutsite, angikhoni nje kutsatsa, ngikutfululele kubo, bafanele bete batitfolele bona." Manje, niyakuva loko nonkhe na?

¹⁹¹ Manje, Watsi, "Abrahama, kukwenta kuciniseke ngalokuphindvwe kabi, Ngifuna utsatse lowomfana umenyusele lapha esicongweni sentsaba leNgitokukhombisa yona, futsi Ngifuna umbulale etulu lapho, Ngitokwenta babe wetive ngaye. Embewini yakhe Ngitovusa IeyoMbewu yaPhakadze, futsi Ngi—Ngi—Ngitokwenta babe wetive, kodvwa mtsatse umkhuphulele entsabeni futsi umbulale."

¹⁹² Utokwenta kanjani...? Sewuvele wendlulile eminyakeni lelikhulu nelishumi nesihlanu budzala manje. Utayitsatsa kanjani indvodzana yakhe ayikhuphulele egcumeni futsi ayibulale, abhubhise litsembe kuphela lebekanalо? Kodvwa manje, ngifuna...Caphelani, watsatsa inceku, akakhonanga kutjela make, loko bekungaba kubi kakhulu, kutjela lowo lomuhle, make wakhe lomncane, utotsatsa lowomfana amkhiphe futsi ambulale.

¹⁹³ Ngako wavele nje wagawula lukhuni, wase ulufaka esakeni, wase—wase ulubeka emhlane wemnyuzi, futsi watsatsa tinceku letimbili, futsi wahamba luhambo lwetinsuku letintsatfu. Manje, bantfu bebete tinyawo tagasolina ngalolosuku. Bebahamba... Mine, ngesikhatsi ngisagadza, bengihamba emamayela langemashumi lamatsatfu ngelusuku iminyaka lesikhombissa, futsi ngi—ngi...loko akusiko kuhamba lokuhle kakhulu.

Noma nguyiphi indvodza lelungile beyihamba, lokungenani insizwa njengoba yayinjalo ngalesosikhatsi, beyingakhona, sitsi, emamayela langemashumi lamabili nesihlanu ngelilanga, ngako loko bekungemamayela langemashumi lasikhombisa nesihlanu emuva kusuka emphucukweni, wase-ke uphakamisa inhloko yakhe futsi wabona i, emehlo akhe njalo, futsi wabona intsaba isekhashane.

¹⁹⁴ Waya kulentsaba, ngesikhatsi efika lapho, watsi, bukisisani loku, ngise kuGenesi 22 manje, sengivala, watsi etincekwini lebetinemnyuzi, watsi, "Hlalani lapha, lomfana nami sisaya ngaleya kuyokhonta, lomfana nami sitobuya." Kanjani? Ibuya kanjani? Uyen Yusela lapho kuyibulala.

¹⁹⁵ Abrahama, kamuva ngesikhatsi kubhalwa indzaba yebuNkulunkulu ngaye, akangabatanga ngetetsembiso taNkulunkulu. Cha, cha. Bekati kutsi bekamemukele njengalovel a kulabafile, bekasalungele kufa, aneminyaka lelikhulu budzala, futsi bekati kutsi Nkulunkulu bekangakhona kumvusa kulabafile.

¹⁹⁶ Watsi, "Lomfana nami sitobuya." Wase ubeka tinkhuni emhlane wa-Isaka. Umfanekiso lophelele kanje pho waKhristu nelukhuni lwaKhe luCobo emhlane waKhe, i-altari! Wenyukela entsabeni, befi ka etulu lapho, base balungisa i-altari, futsi waphumela elukhuleni netintsi wase utsatsa emadvwala wase uwabeka ngephandle, wabeka umlilo etulu lapho, na-Abrahama bekanemlilo esandleni sakhe, wokhela i-wokhela i-altari ngemlilo.

¹⁹⁷ Na-Isaka lomncane waba nekusola, watsi, "Babe," watsi, "nali li-altari, nati tinkhuni, nankhu umlilo, kodvwa liphi liwundlu lemhlajelo?"

¹⁹⁸ Lalelani loku, bazalwane, akujule phansi ekujulen kwenhlitiyo yenu, Abrahama wambuka wase utsi, "Nkulunkulu utotibonela Yena liwundlu." O, hhe! Kanjani? Kanjani? Loko kuku Nkulunkulu. Basetulu le esicongweni salentsaba. Watsi, "Isaka, jikisa umhlane wakho, S'thandwa," wabopha tandla takhe.

¹⁹⁹ Futsi bukisisani Isaka, angakhahleli futsi angampongoloti, kodvwa watinikela ekufeni njengoba kwenta Nkulunkulu, iNtalo ya-Abrahama yeliciniso, avuma kutsatsa indzawo yetfu, bekaboshwe tandla takhe ngubabe wakhe lucobo, wabopha tinyawo takhe, wambeka e-altari.

²⁰⁰ Ungake ucabange nje manje, inhlitiyo ya-Abrahama? Umfana wakhe lomncane lonemoya lomuhle, watsatsa letotinwele letisongekile letincane, letincane, temaJuda, tinwele letimnyama, wase utifucela emuva tasuka emehlwani akhe kanjalo, wase uyangabanga, "Angati kutsi Make utocabangani manje?" Wawuphonsa emuva, cha, bekangeke akucabange loko, bekacabanga ngaloko Babe lakucabangako. Wahoshula

umukhwa, wabeka inhloko yakhe lencane emuva *kanjena*, yendvodzana yakhe lucobo, tandla takhe tichucha, inhlitiyo yakhe emlonyeni wakhe cishe impela, waphakamisa sandla sakhe, kulalela Nkulunkulu kutsi atsatse imphilo yendvodzana yakhe lucobo.

²⁰¹ Futsi ngesikhatsi sekalungele kwehlisa kugadla kwakhe, Moya loNgcwele wabamba sandla sakhe, watsi, "Misa sandla sakho, Abrahama, sengiyati manje kutsi uyaNgikholwa."

²⁰² Futsi cishe ngaleso sikhatsi, Abrahama weva lokutsite, futsi emuva ngco emvakwakhe beku nesihhanca, hhayi imvu, sihhanca, imvu lendvuna ibanjwe ngetimphondvo tayo emahlahleni. Besingekho lapho emizuzwini lembalwa leyendlulile. Besentani etulu lapho? Sikhweshe ngemamayela lalikhulu emphucukweni, kunemabhusesi, bojakalazi, nako konkhe lokunye, timphisi, letiyosidla tisicedze. Futsi lenye intfo, sisetulu esicongwensi senthsaba lapho kungekho manti khona. Sefika kanjani lapho? Jehova-jayira, iNkhosi yatiniketela Yona lucobo umhlatjelo. Loyo kwaku nguKhristu.

²⁰³ Manje, bekungesiwo umbono, bekungesiwo umbono, umbono awophi. Abrahama watsatsa sihhanca, wasibeka etikwe-altari, wajuba umphimbo waso, ingati yaphuma kuso, esikhundleni sendvodzana yakhe. Hhayi umbono, bekusihhanca. Kungani? Uyakhona kudala, Angatibonela Yena umhlatjelo.

²⁰⁴ Utosindza kanjani, ndvodzana? Wendlulile elusitweni lwadokotela. Utosindza kanjani, uhleti lapho, make lomncane, uchachatela kanjalo? Utosindza kanjani laphaya, ndvodzana, ulele lapho kuloko, ukhubatekile na? Utosindza kanjani, uhleti lapha na? Utokwenta kanjani na? Loko akusiko kwakho kucabanga ngako, UnguJehova-jayira, kodywa ngaphandle kwaloko, Sewuvele unikete liWundlu lakho... Sekwentekile! Jesu uniketiwe, futsi Sewuvele ukwentile kuphilisa, intfo kuphela lofanele uyente kukwemukela, ukukholwe. Uyakwenta loko na? O, hhe!

²⁰⁵ Asikhotsamise inhloko yetfu umzuzwana nje. Sisathula embikwa Nkulunkulu, ngifuna nikhuleke. Bangakhi ekhatsi lapha lofuna kwemukela loyoMhlatjelo loniketiwe waNkulunkulu? Phakamisani tandla tenu. Nkulunkulu akubusise. Nkulunkulu akubusise. O, hhe, kusosonkhe lesakhiwo.

²⁰⁶ Babe wetfu loseZulwini, bayalikhholwa Livi. Kanjani...? Basiphakamiseleni sandla sabo na? Ngoba bayati kutsi Uyaligcina Livi laKho. Bebaneke bakwente loko, ngaphandle uma Ubatjele kutsi bakwente, futsi bebalalela, njengoba nje Isaka bekanjalo, alungele kufa emicabangweni yakhe lucobo, balungele kufa kuloko dokotela langahle kube ukushito, noma yini lenye. Babantfwana ba-Abrahama, bayakholwa, batelwe kabusha, banjalo, babhabbatiswe ngaMoya loNgcwele, futsi,

bayaKukholwa. Toni tiphakamise tandla tato kutsi tifuna kuba ngumntfwana waKho futsi, bemukele, Nkhosi. SebaKho.

²⁰⁷ Lonkhe leliviki, Nkhosi, leti tinshumayelo letisihlanu leticondzile tijuba kuleli-awa manje, sekusedvute lapha, sesifikile. Kukhona lokufanele kwentiwe, Nkhosi, Livi laKho liphumile, tibonakaliso taKho tiphumile, Ulicinisekisile Livi laKho, manje sekukubantfu. Nkhosi, uma bendlula kulelilayimi futsi bakhulekelwe, kwangatsi bangaba nekukholwa, kwangatsi bangasuka langembili badvumisa Nkulunkulu nje, "Uma kwenteka, akabongwe Nkulunkulu! Uma kungenteki, kutokwenteka nomakanjani, Washo njalo. UnguNkulunkulu lowenta tetsembiso, kulesakhiwo, namuhla." Siphe kona, Babe. Ngiyakucela, eGameni laJesu, siphe kona ngamunye walaba kwentela iNkhatimulo yaKho, kwangatsi kungaba njalo, Nkhosi. Amen.

²⁰⁸ Kulungile. Sinebantu cishe labangemakhulu lamatsatfu noma lamane labatokhulekelwa. Bangakhi lokholwako kutsi emavi ekugcina lavela emlonyeni waJesu ngesikhatsi Ashiya umhlaba, emavi ekugcina Lawenta, Washo loku: "Letibonakaliso leti tiyobalandzela labakhawlako, uma babeka tandla tabo etikwa labagulako, bayosindza"? Ngabe Wakusho na? Manje, Wakwetsembisa loko.

²⁰⁹ Ngabe tikhona tihambi lapha, letingakaze tibe kulomunye wemihlangano? Phakamisani tandla tenu, longakaze abe kuleminye wayo phambilini, phakamisa sandla sakho. Kunalabambalwa impela. Ungahle utsi kimi-ke, "Mnaketfu Branham, ukhulume natsi ngeNgelosi leyoba lapha etinsukwini tekugcina, loyobe ahlala enyameni yemuntfu, kuyoba nguNkulunkulu ahlala enyameni yemuntfu. Angati lutfo ngaletintfo leti, kodvwa utsite tiyobakhona. Angikaze ngiMbome enta loko njengoba Enta entasi lapho kukhombisa kutsi siseSodoma."

Bangakhi logulako ngephandle lapho, longangati? Phakamisani tandla tenu, lonesidzingo. Phakamisa sandla sakho, angikhatsali kutsi ukuphi. Hloniphani ngekutitfoba sibili.

²¹⁰ Ngaphambi nje kwekutsi sibite lilayini lala bakhulekelwako, elayinini lala bakhulekelwako singeke sibe nekubona lokufihi lakele, ngoba singeke sikhone, sinemakhulu lamatsatfu noma lamane lendlula lapha, ngitobakhulekela, kodvwa anginako kuhlolola lokufihi lakele. Sitoba nelilayini lekuhlola lokufihi lakele manje, kini nine leningaphandle lapho etetsamelini.

²¹¹ Angati umphefumulo ngephandle lapho. Nginemnaketfu lapha libito nguFred Sothmann; nginaye lotsiwa nguMnaketfu Tom; Nginaye munye, uMnaketfu Evans, bangephandle lapho, ndzawanatsite. Ukuphi na? Ngabe usenkonzweni namuhla,

mzalwane na? Kuphi . . . ? Emuva le ngemuva, ya, emuva le lapho. Nguloko kuphela lengikwatiko.

²¹² Bangakhi benu madvodza emuva lapho, nine bafundisi longakaze abe nelitfuba laloku? Angikwati, Ngi—ngi—ngihlangene nawe laphaya, kodvwa loko, angati lutfo ngawe, akukho tifo, noma lutfo. Kunjalo.

Manje, nako ke, utsi, “Mnaketfu Branham, akusilo yini lolohlobo lwentfo lenesibindzi?” Ya, kodvwa Wakwetsembisa, yebo, mnumzane, Wakwetsembisa.

²¹³ Manje, ake sibone uma Moya loyiNgcwele, uma Atokwenta kanye futsi, ngaphambi kwekutsi nendlule kulelilayini lala bakhulekelwako, ngako nitobona kutsi lugcobo lulapha, kutolunga yini kini na? Kwangatsi Nkulunkulu angasipha kona. Ngitotama nje kubona kutsi uMoya loyiNgcwele utokwenta yini.

²¹⁴ Ngifuna, kugucukela ngakuyinye incenye, yonkhe lendzawo ngakimi, batophuma encenyeni ngayinye. ngifuna kunibuta umbuto: Niyakhola kutsi iNgelosi yeNkhosi yakhulumia liciniso, ngikhona kwenta loku ngaMoya waNkulunkulu na? Kulungile. Lencenye lena yendlule ngalapha, sitobese-ke sesiya ngalapha, bese-ke kuba ngalendlela, nangalapha ngalendlela. Niyabona na? Khulekani nje manje, futsi nibone . . .

²¹⁵ Manje, yayiyini leyoNgelosi na? Leyo, Beku nguNkulunkulu, Abrahama watsi Bekangu *Elohim*.

²¹⁶ Manje, khulekani nje ngalapha kulo luhlangotsi, nitsi, “Nkhosi, lendvoda ayingati, ayati lutfo ngami.” Bangakhi kulesigaba lesi ngalapha lowatiko kutsi angikwati, kodvwa noko uyagula futsi uyadzinga na? Phakamisa sandla sakho. Kulungile. Ngitofulatsela. Khulekani.

²¹⁷ Manje, Babe loseZulwini, loku akusiko ku, loku akusiko kubukisa, loku akusiko kwenta umbukiso, kodvwa loku kukugewalisa setsembiso saKho, Uyayati inhliityo yami, Uyayati inhloso yami, futsi Uyayati injongo yami ekukwenteni, ngiyawati umusa waKho ngekungivumela ngikwente. Futsi ngiyakhuleka, Babe, kutsi Utokwenta futsi, kute bantfu bati kutsi ngibatjеле liciniso, INTalo ya-Abrahama itindlalifa kanye naye yato tonkhe tetsembiso. Siphe kona ngeliGama laJesu, futsi lonkhe ludvumo lutoba lwaKho, Nkhosi.

²¹⁸ Ngibatjelile bantfu ngalokucacile, futsi bayati kutsi ngingu lomunye nje wetinceku taKho letitfobeke kakhulu, kungekho mfundvo, kungekho khono lanoma nguluphi luhlobo, kodvwa Wehla nje ngesikhatsi ngisengumfana lomncane, futsi, lapho embhedzeni lomncane, *ngandlela tsite lenye* Unginike siphwi lesincane nje lengingatiphumuta ngaso, bese Wena uyakhulumia. O Nkulunkulu, akube njalo loko. Ngisite, Nkhosi.

²¹⁹ Ngitsetselele ngemaphutsa ami, emaphutsa emphilweni njengemuntfu, kodywa buka inhloso enhlitiyweni yami nenjongo. Futsi ngiyakhuleka kutsi kuyintsandvo yaKho, kulentsambama, kukubonakalisa futsi embikwetfu. NgeliGama laJesu, ngitoKudvumisa, futsi sonkhe sitoKudvumisa.

²²⁰ Uma bantfu bendlula elayinini, batokwati yena kanye loNkulunkulu lowati inhliyiso yabo uyasati simo sabo, khonake, Nkhosi, kwangatsi kungete kwabakhona situlo semasondvo, kodywa leso lesitoba ngulesingenalutfo; kwangatsi kungete kwabakhona umbhedze lomncane kodywa lowo lotoba ngulongenalutfo; kwangatsi kungete kwabakhona umuntfu logulako emkhatsini wetfu, kodywa lokukhona, mhlawumbe bangahle bangabi kahle ngalokuphelele ngalesosikhatsi, kodywa njenga-Abrahama, banesetsembiso, batobambelela kuko, futsi Utokucinisekisa, Nkhosi, Uhlala ukwenta njalo, ngoba UnguNkulunkulu. EGameni laJesu, ngiyakucela. Amen.

²²¹ Manje, eGameni laJesu Khristu, ngitsatsa wonkhe umoya ekhatsi lapha ubengaphansi kwekulawula kwami, ngentele inkhatimulo yaNkulunkulu, ngekusebenta kwalMoya waKhe.

²²² Kunemandla lamabi emvakwami, amnyama, ayesabeka, sitfutfwane, sise tikwa lowesifazane, unesitfutfwane. Ligama lakhe nguNkkt. Camel. Sukuma, wemukele kophiliswa kwakho, kholwa eNkhosini Jesu Khristu, futsi welulame.

Uyakholwa manje?

²²³ Kukhona wesifazane lohleti khona lapha edvute nami, futsi u-uphetfwe yi, luhlobo lolutsite lwenkhatsato yetinso, futsi ngematje etinsweni. Futsi ukhulekela lomunye umuntfu manje, ngu-ngumyeni wakhe, futsi unesimo sengcondvo. Ligama lakhe nguNkkt. Lenz. Sukuma, futsi wemukele kophiliswa kwakho.

²²⁴ Sewuyakholwa manje? Bani nekukholwa. Uyakholwa kutsi yiNgelosi yeNkhosi lefanako? Manje, kutsiwani-ke entasi kwendlula lapha? Ngabe ukhona logulako entasi kwendlula lapha? Phakamisani tandla tenu.

²²⁵ Kunewesifazane emvakwami ngco, nguvesifazane, futsi unesimila, sisemaphashimi akhe. Ligama lakhe nguNkkt. Spangler. Sukuma, Nkkt. Spangler, futsi wemukele kophiliswa kwakho.

Manje niyakholwa na? Angibati labantfu laba, angikaze ngibabone.

²²⁶ Empeleni, manje bukani ngalapha, bukani ngalapha manje, Nkkt. Spangler, ngisite, beka sandla sakho etikwalodzadze loseceleni kwakho lapho, unenkhatsato yetinso futsi ufunu kophiliswa. Kunjalo. Manje, beka sandla sakho etikwalowo loseceleni kwakho, unenkhatsato yetinso futsi ufunu kophiliswa. Manje, beka sandla sakho etikwalowesifazane embikwakho, lowo wesifazane logcoke lihembe lelibovu lapho, ukhulekela

umyeni wakhe. Utufanele aye esibhedlela ngekuphelelwa ngumtimba wakhe, ukhulekela umyeni wakhe. Uyakholwa na? Khona-ke utophiliswa. Amen.

Niyakholwa ngetinhlitiyo tenu tonkhe na? Banini nekukholwa kuNkulunkulu. Ungangabati. "Uma ungakholwa!" Uyakholwa ngenhlitiyo yakho yonkhe na?

²²⁷ Emuva kulencenyen lena ngibona dzadze lomncane, ukhulekela insindziso yababe wakhe. Kukholwe, dzadze lomncane, utokwemukela. Ungakhali, kholwa nje.

²²⁸ Kunalomunye dzadze lota embikwami, usemuva emvakwami, unenkhatsato yesibindzi. Kunalababili noma labatsatfu lapho. Ngi—ngiyakuva, kodvwa ngibona munye, ligama lakhe nguNkkt. Watham. Kholwa ngayo yonkhe inhlitiyo yakho, futsi wemukele kuphiliswa kwakho.

²²⁹ Kunadzadze emvakwami lodlala i-ogani, unalokutsite lokungalungi ngelicolo lakhe. Kunemfundisi ngemuva, lonenkhatsato yelicolo, naye. Ungangabati. Uyakholwa ngenhlitiyo yakho yonkhe na?

Nako laph'ukhona. NiyaMkholwa na?

NgiyaMtsandza, ngiyaMtsandza
Ngoba...

Kukholwe ngayo yonkhe inhlitiyo yakho manje.

...ngitsandza kucala...

²³⁰ Nitokukholwa phansi lapha? Ngamunye wenu phansi lapha kulemibhedze lemincane, nitokukholwa na? Nitokukholwa ngephandle lapha? Bangakhi lowatiko kutsi leNgelosi yaNkulunkulu lefanako ilapha, namuhla na? Phakamisa sandla sakho, utsi, "Ngiyakukholwa." Niyabona kutsi Ucinise kanjani, kutsi Unguye sibili kanjani na?

²³¹ Manje bangakhi lokholwako uma nitokwendlula kulelilayini lala bakhulekelwako, tandla titobekwa etikwenu, nitosindza na? Bangakhi lonekukholwa kumelusi wenu, lokholwako kutsi uyindvodza yaNkulunkulu na? Phakamisani tandla tenu. Ngitophakamisa tandla tami, nami, ngikholwa kutsi unjalo, naye. Manje, ngitomcela: Phumanि nite lapha futsi ningisite, ngamunye wenu. Wotani khona lapha ngembili. Asente lilayini lala bakhulekelwako lapha; wotani ngaku loluhlangotsi, ihhafu yenu, labanye benu ngakulolunye luhlangotsi.

Wonkhe lonelikhadi lekukhulekelwa A, sukuma ute ngalapha, ngaku loluhlangotsi. [Akucoshwanga etheyiphini—Umhl.] A.

Esihlahleni saseKhalvari.

²³² Manje, ngifuna wonkhe umuntfu ukhotsamise inhloko yakho, wonkhe umuntfu emkhulekweni, nisahlabela NgiyaMtsandza, Ngifuna kwehla futsi ngikhulekele

ikakhulukati laba labasemibhedzeni lemincane nasetinhlakeni phansi lapha, labatotobako. Ngifuna nikhuleke nami, nonkhe nine bazalwane. Ngitobuya ngembili emzuzwini nje. Lonkhe libandla alikhuleke ngisehla. INTalo ya-Abrahama i... Senikulungele kwemukela kophiliswa kwenu?

²³³ [UMnaketfu Billy Paul Branham ukhuluma neMnaketfu Branham—Umhl.] (Abekho bonkhe ngephandle lapho?) [UMnaketfu Billy Paul uyaphendvula.] (Yebo-ke, bengicabanga kutsi mhlawumbe bebato... Yebo-ke...) [Akucoshwanga etheyiphini—Umhl.]

²³⁴ ...?...kusigcoba kakhulu kutsi mhawumbe singeke sati kutsi sikuphi. Ngifuna nikhumbole ngiyanitsandza. "Nisale kahle," kini. Nkulunkulu anibusise. Ngiyetsema kunibona futsi masinyane. Ngite ngente loko, sonkhe sikhatsi landzela indlela kuYe logcina inyeti ikhanya ebusuku, tinkhanyeti tikhanya, kwenta kuhambe kahle. Ngikhumbule uma ukhuluma naYe, uMtjele kutsi ngiyaMtsandza. Ngifuna kukubona Laphaya.

Kulungile. Ngabe lilayini lenu lala bakhulekelwako selilungile na? Wonkhe umuntfu khotsamisa inhloko yakho manje, futsi uhlabele, *NgiyaMtsandza*, lapho lilayini lendlula.

²³⁵ Babe Nkulunkulu, bayeta. E...

²³⁶ Nonkhe nine bafundisi yenyukelani lapho futsi nibeke tandla etikwabo manje, yenyukelani lapho, Ngifuna nisukume lapho futsi nibeke tandla etikwalabantfu laba manje, lapho basendlula, wotani ngco.

²³⁷ O Babe... [Akucoshwanga etheyiphini—Umhl.] Angikaze ngiwubone umhlangano lonjengalona, Angikaze ngikubone emphilweni yami. [Akucoshwanga etheyiphini—Umhl.]...?... imphilo yami. [Akucoshwanga etheyiphini—Umhl.]...imphilo yami. Angikaze ngikuve kukholwa lokungaka elayinini linye lalabakhulekelwako emphilweni yami. Kunjalo. O, nguloko lebesikulindzele.

²³⁸ Nine lenendlulako manje, wotani nendlule niMdumisa, wotani nendlule niMkhola. Nguleyondlela yekwenta, wota, ukukholwa. Uma wendlula lapha, hhayi ngendvodza, wendlula... Futsi utokwati kutsi umelusi wakho une...?... [Akucoshwanga etheyiphini—Umhl.]

²³⁹ ...?...bita lilayini lelisheshako. Nako konkhe loko lengike ngendlula kuko, Angikholwa kutsi loyomhlangano munye lengake ngeva kukholwa lokungako njengoba bekunjalo khona lapha kulelilayini. Ngiciniseke impela nje njengoba ngime langembili, nitobona, nine bazalwane, emkhatsini walabantfu laba kukhona lokwentekako. Beku ngulokukhulu...

²⁴⁰ Niyati kutsi kungani na? Kungoba belusi bayakholwa; batinceku taNkulunkulu. Sizatfu ngibe nalamadvodza kutsi ete lapha futsi akhuleke, kute nine bantfu nicondzee futsi

nicondze, umelusi wakho uneligunya lelifanako kukukhulekela lenginalo, noma nguyiphi lenye indvodza lenalo, futsi babeka tandla tabo etikwakho, ngalokufanako njengoba ngentile. Uma ugula esikhatsini lesitako, ungalindzi umuntfu lotako nenkonzo lekhetskile. Niyabona kutsi kwentekani uma umelusi wakho akukhulekela na? Uyaphiliswa, nawe. Niyabona na? Ngako, batinceku taNkulunkulu, batinceku taNkulunkulu, letigcotjelwe kubeka tandla etikwalabagulako futsi bakhulekele labagulako, njenganoma yini lenye.

²⁴¹ Uma u...Uma ngitfole umusa emehlwani akho njengenceku yaNkulunkulu, ngikholwe, bani nekukholwa kumelusi wakho, ngoba uyindvodza letfunywe ivela kuNkulunkulu, bani nekukholwa kuye. Manje, uyehla, labanye balabelusi laba kanye nami kusita kukhulekela labantfu laba labasetitulweni letinemasondvo, uma labanye benu bazalwane batokwehlela ngembili, besuke langembili kanye nami kutsi sibakhulekele.



61-0226 Jehova-Jayira
EFairgrounds Auditorium
ETulare, ECalifornia E-U.S.A.

SWATI

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org